

2

DISCURSUS
CHRISTIANI MATTHÆI
KNESEBECK,



DE

STUDIO JURIS
PUBLICI UNIVERSA-
LIS ET PRÆTENSIONIBUS
ILLUSTRIBUS.

Anno 1705.



Quidem videor mihi jam videre, & planè præfagit animus, fore non unos, qui me rem immensæ operis, odii invidiæque telis maxime obnoxiam moliturum autument. Enimverò si historiam, in quâ velut semina Præensionum (ignoscite ita loquenti manes Ciceroniani) hinc inde dispersa latitant, spectemus, quàm vasta illa sit, quanto librorum linguarumque apparatu ad eam noscendam opus, haud facile quis negaverit, nisi pudendam suam rei literariæ inscitiam prodere gestiat. Certè nisi Chronologiæ, Geographiæ, Genealogiæ, juris Naturæ & Gentium, Rei Nummarîæ, Artis Heraldicæ atq; Diplomaticæ fundamenta per solidum subdantur, uti cetera eò firmiori nexu superstrui queant, irritus erit laboromnis. Et quanquam fateri libet, magnitudini meditati operis esse me planè imparem; tamen nihilominus pro tenui ingenii mei modulo id primæ aggrediendum putavi, incitaturus forsân alia ingenia magis decora, ut in societatem laboris, quo nihil salutaris humano generi esse poterit, trahi quoque se patiantur. Nec est, quod nimis anxie reputemus, quantæ molis sit controversiæ, inter potentissima Regna, Principatus & Urbes natas, dirimere velle sine periculo offensionis. Huic enim rationi si locus concederetur, non Sledani, (quod absque ambitiosa comparatione dictum velim) non Chytræi, non Thuani, non Pusendorffii Historias præclaras & magnificas haberemus, in quibus Principum dissidia, eorumque momenta legere est, insigni nostri & secuturi ævi emolumento. Adhæc si licet in Academiis jus Publicum internum profiteri, de forma sive statu S. R. Imperii, de Juribus Imperatoris, Electorum ac Principum impunè disputare: quantò magis licebit Jura Imperii adversus externos tueri? Sed enim indecorum arbitror, Petri Aretini exemplum sequi, qui, extorquendæ à summis Principibus pecuniæ, molimina ipsorum acriori Stylo insectabatur, plura ausurus, nisi maturè cohibitus fuisset. Quin eò venerat aliquando audaciæ, ut monetam cudi careret, hac epigraphæ Italica: *I Principi tributati da' Popoli, tributano il servitor loro.* Abiit sanè, ut ad ejusmodi arrogantiam, livorem vel obtrectationem dilabamur; siquidem cuncta, procul habitis iræ ac studii causis, ex re & vero referemus. Etenim optimi Principes, quamvis contumeliarum intolerantes, vera haud abnuere solent, modò scriptores calamum intra cancellos modestiæ coerceant, servatâ ubique, quæ debetur, Summis Principibus, reverentiâ. Sæpe numerò quidem in doctorum virorum, licet modestiæ limites non transgrediantur, scripta aut Corpora sævire solent Principes, privatæ utilitati, vanæque

ambitioni nimium velificantes. Quàm oruenta enim fata expertus sit Paulus Sarpus, inter omnes constat. Nec tamen idè Vir ille, singulari doctrinà ac virtute præditus, à veri amore accaritate patriæ, quâ nihil ei antiquius, dimoveri se passus est. Et quanquam amici ejus, Romani Styli vint atque acrimoniam formidantes, eum identidem admonendum putarent, vitæ suæ consulere; tamen non desistit erudito calamo jura patriæ vindicare, vel cum discrimine alieni furoris. Haud sanè immemor istius Faciri: *Quo magis concordiam eorum irridere libet, qui præsentis potentia credunt esse: si quis posse etiam sequentis ævi memoriam. Nam contra puniunt ingenio elisist auctoritas, neq; aliud externi Reges, aut qui eadem savitia usi sunt, nisi dedecus sibi, atque illis gloriam peperere.* Inter literatos reperiuntur nonnulli tam levi plebejoque ingenio, ut, dum se suaque tantum mirantur, scientiam Juris Publici ad panem lucrandum parùm vel nihil facturam existiment. Quâ opinione, ut lenissimè dicam, nihil potest esse inani; quali verò bonarum artium cupidè opificio cuidam tractando, vel forbillandis poculis, aut saginatis abdominibus suis nati forent. Sanè eruditorum diversissima fors est, quibus præcipua rerum ad virtutem diriguntur. Hanc Verò qui habet, tenet omnia, nec eget externæ rei ad corpus mortale pertinentis adjumento, cum ipsa sibi met satis opimum præmium videatur. Cetera si non præsens ætas, grata tamen posteritas rependet: Imò falsum est, parùm vel nihil lucrosam esse tale studiorum genus. Experiètià namque contrarium edocemur. Quantam enim munificentiam exercere consueverint Reges Galliæ in eos, quide Prætenionibus scriptitarunt, nemo est, qui ignoret. Ità Cassanum, Jurium Regis Galliæ propugnatorem, quamvis ineptum, grande sui laboris pretium tulisse, ac pro libro, Richelio Cardinali, summo Regni Ministro, oblato 16000. nummis, quos coronatos vocat, remuneratum esse testis est Petrus Valckenierius, Belgii Fœderati ad Helvetios Ablegatus in Europa sua, ut vocat, per turbata P. I. pag. 37. Quomodo item Philippus IV. Rex Hispaniæ Joannem Jacobum Chiffletium, Vindiciarum Hispanicarum auctorem, Regio stipendio auxerit, ejusque filio Cancellariatum aurei velleris contulerit, non dissimulat ipse Blondellus in opere suo Genealogico. Sic quoque Cornelio Jansenio Mars Gallicus, quem pro Rege Hispaniæ scripserat, & sub ficto Alex. Patricii Armachani nomine dederat, ad obtinendam Episcopi Ipresis dignitatem quasi viam munit, aditumque patefecit. Extant & plura alia tantæ liberalitatis exempla, inprimis Ludovici XIV. hodiè in Gallia regnantis, cujus ceteroqui Musarum Antistitis post hominum memoriam Maximi nomen, in æternitatis templo consecratum, nulla unquam delebit oblivio. Scio equidem, summos quosdam Principes, vocabula juris & justitiæ fastidiosè gladiis, non atramento, sed cruce humano tinctis, suas transigere controversias solere. Hinc Tiridates apud Tacitum disserit: *non ignavia magna Imperia contineri, virtutum armorumque faciendum versamen.* Id. in summa fur-

fortuna equius, quod validius. Et sua retinere privata domus de alienis certare, Regiam laudem esse. Ast hæc atque talia barbara & periculosa dogmata Christianos Principes, qui veram Pietatem curæ sibi habent, neutiquam imitari convenit. Nam illa, quæ iustitia (quæ virtus Regum ac Principum propria est) parantur, æterna sunt, vi atque armis quæ sita fluxa sunt, atque peritura. Ita celebris ille Orientis domitor, & lanista numerosi Persarum exercitus fatetur ipse, non diuturnam esse possessionem, in quam gladio inducamur. Proin pessimè agunt, qui pravis consiliis optimos Principes imbuunt ad ea appetenda, quorum non est iusta possessio. Indè etiam fit, ut Principes, quod injuria ipsis ereptum est, data à fortuna occasione sæpè repetitum eant. Nec obstat Salvii, Suecici ad conventum Pacis Westphalicæ Legati responsum, Brandenburgicis ad jura heri sui in Pomeraniam provocantibus datum, Conscientiam nimirum Rationi status cedere, teste Puendorfio Hist. Frid. Wilhelm. l. 2. §. 39. Non enim facile mihi persuaderi poterit, Gustavum Adolphum, Suecicæ Regem, si tum vixisset, pro insigni sua, quam præ se ferebat ad virtutes omnes propensione, tam præceptum dictum, cujus imagine horrescit omnino animus, impune laturum fuisse. Si Vandalos veteres, validissimam olim gentem, respiciamus, multa quidem illi regna externa condidit in Gallia, Hispania, imò, capta Carthagine, in ipsâ Africâ, tertiâ Orbis terrarum parte. Nec Gensericus, Vandalorum Rex, Africano Regno contentus fuit, sed classe etiam numerosa & formidabili Italianam aggressus, Romam, vi occupatam, militibus suis diripiendam dedit. Sed quia prisca Vandalorum Reges ad suam vim atque arma cuncta revocare consueverant, iustitiæ planè incuriosi, mirandum non est, haud ita longam fuisse eorum dominationem. Idem esto iudicium de Gothis aliisque nationibus ferocissimis. Equidem ferocitati gentis Vandalicæ, necdum veris Christianorum sacris initiatæ, dandum aliquid erat. Atenim verò si Principes levibus aut planè nullis de causis statim ad arma atque cædes hodiè prolabantur, longè aliter sentiendum videtur. Quare de Anglis Islandiam cædibus & rapinis seculo decimo quinto contra fas gentium infestantibus jure merito conquestus est apud Christianos Principes Christianus I. Daniæ Rex: Arte & rationibus, inquit, cum vivat hominum genus, nequaquam impetu, quo feruntur bestię, sed, ratione, qua bestiis præstant homines, hominum sunt opera judicanda. Vid. Huitfeldii, Regni Daniæ quondam Cancellarii, Chronicon Daniæ pag. 918. Accedit, quod Reges ac Principes, qui sola potentia actiones suas metiuntur, non hominum tantum voluntates à se abalienent, sed Deum etiam ipsum, injustitiæ vindicem acerrimum, sibi iratum reddant. Huc spectat monitum cedro dignum, quod reperire est in Historia Ministerii Richelii, Cardinalis T. I. pag. 709. & seq. *Dieu, ait, qui est le juge des Rois, chassé les usurpations, qu'ils font, que ceux, qui s'efforcent de s'accroire par la violence, trouvent enfin leur ruine en une plus grande qui leur est faite, & que la Grandeur, qui*

qui s'obtient par quelque injure, ne peut avoir de durée, bien que la force, l'ambition pour quelque temps. Sed cui plura hac de re scire volupe est, adea elegantissima Hugonis Grotii prolegomena in librum de jure Belli ac Pacis, ubi contra Carneadem, impugnatores justitiæ satis aridum & jejunum, solide disputat, cujus verba ex charta in papyrum transcribere angustia temporis prohibet. Sanè bonis consiliis plura effici, quàm ferro & manibus, experiendo sæpius deprehendimus. Hinc est, quod etiam Viri in summa dignitate constituti nonnihil temporis tam nobili studiorum Generi tribuerint, multaque vel à se observata, vel lecta scriptis mandaverint. Sic Oxenstierna, Magnus Cancellarius (cui maximam partem suæ potentiæ incrementa debet Regnum Sueciæ) à sua dignitate haud alienum putavit, jus Publicum Regni Sueciæ, quale erar tempore Reginæ Christiænæ, peculiari scripto complecti, quod in Bibliothecis nonnullis cimelii instar custoditur. Quinimò vel exterorum Regum, tam vicinorum, quàm longius dissitiorum prætensiones cognoscere nos oportet, etiamsi fructus inde non alius percipi possit, qui in consiliis capiendis sanè insignis est, dum vicinis vel vultus adversariorum conatus, vel vetera jura, quæ vicissim habent in eorundem ditiones, in memoriam revocamus, eosque socios, distrahendo hosti, nobis adjungimus. Hoc artificium pulchrè calluit Regina Angliæ Elisabetha, quæ ut Rex Daniæ fœdus ad tuendam Religionem secum iniret, jussit Legatum Thomam Bodlejum inter alia, ut Danorum Regem obiter moneret, ipsius in primis interesse Guisiorum conatibus occurrere, cum cognato Lotharingiæ Duci Daniæ Regnum asserere non dubitaverint, memorante Camdeno Part. III. Hist. Elisabeth. p. 400. Cum seculo XIII. inter Reges Angliæ & Galliæ magna de civitate quadam maritima esset contentio, ac Rex Angliæ meminisset, partes quasdam Regni Arelatensis S. R. Imperio eripuisse Gallos, Adolpho Nassovio ad regnum istud recuperandum palàm se adiutorem professus est. Quo argumento excitatus Imperator, bellum Regi Galliæ intulit. Vid. P. II. Chron. Colmariens. ab Urstisio edit. pag. 54. Contrà lapsus in eo est Senator quidam Venetus, quod filio suo Historiam Gallicam aliquando legenti è manibus librum extorlerit, dicens : *Cornaro, leggi le cose de sua Repubblica e non altro.* Nam vicinorum prætensiones, quarum cognitio maximè necessaria est homini politico, sæpè ex ipsorum historiis, ex perennibus Archivorum fontibus haustis, atque adeò propria adversariorum confessione infirmari ac dilui possunt. Docent nos memoriæ & negotiationes Pacis Neomagensis Gallica lingua conscriptæ, Legatos Electores Brandenburgici jura & honores Legatis secundi Ordinis ex Gallicis scriptoribus magnæ auctoritatis tam solide ac doctè adversus Regis Galliæ Legatos asseruisse, ut nihil haberent, quod opponerent. Profectò Prætensionum usus maximus est in Transactionibus pacis. Cum enim verba inibi sint rerum loco, & interdum vel ex una vocula, vel syllaba enasci soleant Prætensiones magni momenti, consequitur.

quitur, earum doctrinam summo etiam Legatis fore adjumento. Quò respicit auctor Ministerii Richelii, Cardinalis, ubi hæc verba legere est : *C'est le propre d'un sage Ministre de prévoir tous les inconveniens des propositions, qui luy sont faites dans un Traité pour ne se laisser pas surprendre & prendre garde, que l'ennemi, qui n'a point trouvé d'avantage dans les armes, n'en tire d'un accommodement. Ce n'est par sur ce sujet, que plusieurs ont estimé, que la prudence, à la faveur de laquelle il s'acquie de ce devoir, luy est en quelque façon plus nécessaire, que la valeur militaire, parce que les occasions de combattre ne se présentent que rarement, dans la suite de la guerre il se fait dans les jours diversés propositions d'accord, auxquels se relachant mal à propos, il n'arriveroit pas moins de dommage à son Maître, que d'un deroute.* Fervente pacis Pyrenææ negotio, cum astu Ludovici de Haro, Legati Hispanici, in eisdem Pacis articulum 95. in quo de Controversia, super dote Margaretæ Principis Sabaudia & Mantua orta, componenda agitur, duo verba admodum insidiosa irrepsissent, exultimantis, Mazarinum Cardinalem, Regis Gallia Legatum, huc mentem non advertere, ille pro sua, qua pollebat sagacitate, statim odoratus, quo valeret ista, seriò postulavit, uti expungerentur. Id quod etiam post longas altercationes obtinuit. Contrà fraude deceptus est à Mazarino Cardinale Ludovicus de Haro, qui non satis diligenter animum attenderat ad vocem Tractatus pluraliter eidem articulo intersertam, per quam non solum Tractatum Cherasensem publicum An. 1631. verùm etiam secretiorem inter Ducem Sabaudia & Regem Gallia eodem anno initum se intellexisse scribit Mazarinus in Epist. ante aliquot annos edit. p. 302. hunc in modum : *Il m'arçussi de faire passer, sans que Dom Louis ni Dom Petro Colonna y aient fait reflexion, un point, qui est assés important, c'est à dire, qu'an lieu de mettre le Traité de Cherasio j'ay mis les Traités au pluvier, parce qu'outre le traité public, qui fut fait pour regler les interets des dites maisons de Savoye & Mantoue, l'on en fit un en particulier avec Monsieur le Duc de Savoye, par lequel il donnoit Pignerol au Roy & en retenoit la recompense sur un certain nombre des terres de Montserrat, pour lesquelles sa Majesté promit de payer à Mons. le Duc. de Mantone la somme de quatre cent quatre vingt quatorze mille écús d'Or, cequi avoit connexion & relation avec le Traité public ; de maniere que le Roy d'Espagne approuvant lesdits traités & s'obligeant à ne s'exposer en aucune façon à l'exécution d'iceux directement, ni indirectement, il le fait aussi bien pour l'acquisition de Pignerol, qui n'us demeure.* Præterea ex Prætensionnm doctrina id quoque commodi hauriant Legati, ut in tractationibus pacis aliorum postulata nimis aspera facili negotio lenire, vel tanquam compensatione penitus elidere possint. Hujus rei magnam exemplorum struem huc convehere possem, nisi brevitati studere niterer. Sufficiat, Prætensiones ex libris uno velut intuitu brevi temporis spatio addisci posse, quarum notitia alias longam experientiam postulatura videtur. Sunt qui jura Regum ac Principum

pum ex ipsis Archivorum fontibus tutius, quam ex libris haurienda esse mo-
 neant. Et recte quidem. Nec mihi alia mens, quem jus Publicum Univer-
 sale ex diplomatibus alisque illustribus rerum documentis pertractare. Sed
 hodiè non est, quod omnia pacta publica in Archivis anxie quæramus. Abs-
 que enim Historia foret, quæ multas tabulas actorum publicorum ab inte-
 ritu vindicavit, aut Vulcanivini jam diu sensissent, aut cum blattis & tineis
 nunc miserè rixarentur. Deindè non sufficit, diplomata ex Archivis deprom-
 pisse, sed necesse est, ut ea quoque ad Lydium Historicæ veritatis lapidem
 quàm curatissimè probentur. O quàm multa documenta ex quorundam ho-
 minum suis tantum commodis interservientium cerebri Officina effluxère! Pho-
 tius composuerat aliquando falsissimam Basilii Imperatoris Genealogiam,
 quem ex stirpe Tiridatis, Armeniæ Regis, ortum traxisse jactabat. Voce Be-
 clas Imperatoris illius familiam complexus est. Nam per literam B. Basi-
 lium Imperatorem, per e Eudoxam, ejus conjugem, per sequentes Con-
 stantinum Leonem, Alexandrum & Stephanum filios intelligendos censebat.
 Et ne quis aliquid doli subesse diceret, Genealogiam hanc Characterè Ale-
 xandrino in vetustissima charta scripsit, & per Theophanem Bibliothecarium
 Cæsareum inter *κειμήλια* Bibliothecæ reponi curavit. Is Basilio Imperato-
 ri Codicem insignes antiquitatis notas præ se ferentem, tanquam pretiosis-
 simum Bibliothecæ thesaurum, ostendit dicens, Photium solum huic expli-
 cando parem esse. Quare Imperator eum continuò accersi jussit, qui etiam
 tantam veri speciem narrationi suæ conciliavit, ut Imperator falsarium istum
 in sedem Patriarchalem Constantinopolitanam, qua paulò antè exciderat, re-
 stituendum juberet, Vid. Ludovicus Morerius, à quo ingeniosam hanc
 technam Photii mutuatus sum. Illustre similis ferè solertiæ exemplum præ-
 bet Constantini Magni donatio ex cujusdam otiosi homuncionis ingenio con-
 ficta atque composita, cujus vanitatem Baronius Cardinalis ipse ingenuè ag-
 noscit in Annalibus suis Ecclesiasticis. A. 843. Warinum Abbatem Corbejen-
 sem ac Monachos ejusdem Monasterii donatos fuisse ab Imperatore Insula Ru-
 gia cum castellis, vicis, prædiis, incolis & omni jurisdictione Principum te-
 statur Annalium Paderbornensium non ita pridem edit: Scriptor libr. II. pag.
 127. Diploma quoque Imperatoris ex ipso Corbejensium Tabularum au-
 tographo descripsit, quod ut A. 1326. testimonio ac tabulis Consulum ac
 Magistratus Montis Martis Huxtariensium & Volckmersensium hac super re
 confectis adhuc integrum fuisse; ita ad nostra usque tempora adservari,
 quamvis læsum lacerumque, commemorat pag. 128. Verum enim verò
 documentum hoc valdè suspectum mihi videtur, ut suo loco fusius indicabo.
 Memini alias me in Historia Pacis Westphalicæ legere, Monachos Corbe-
 jenses, durante pacis negotio, jus suum vetus in insulam Rugiam obtendisse
 quidem, atque ad allegatum diploma provocasse, sed frustra? Rugiæ
 Consensu Imperatoris ac Statuum Imperii jure fiduciario in Reginam & Co-
 ronam

ronam Sueciæ translata. Nec ignotum esse potest Viris doctis, quàm callidi & ad fraudem acutissimi seculo maximè undécimo in confingendis aut interpolandis diplomatibus extiterint Monachi. Josephus Scaliger, superioris hujusque seculi Eruditorum facile Princeps, gloriatur in Epistola CCCLV. Lib. IV se multa monasteriorum, capitulorum, Episcopatum diplomata vidisse; Regum, Imperatorum, Ducum nomina & scripturæ vetustatem præferentia, illa tamen ab aliis pro genuinis habita sibi primo oculi conspectu odore fallitatis suæ nares percussisse. De annis autem Regum & Episcopis idèd à Monachis sæpè erratum existimat, quia veris diplomatibus vel incendio, vel alia vi majore amissis, instauranda fuerint instrumenta, ne prædiis donatis fraudarentur monasteria. Igitur in sinceris documentis ab adulterinis probè discernendis acri judicio opus est. Nam Characteres, Stylus, titulus, verba initialia vel ultima inusitata, annus, locus, subscriptio & sigilla apposita sæpè eorundem produnt fallitatem. Nostra ætate in Critico hoc studiorum genere excellit Daniel Papebrochius, Jesuita, qui magnam ex eo laudem adeptus est. Scripsit peculiarem de vera ratione diplomata supposititia à genuinis discernendi dissertationem, quam Actis sanctorum Menis Aprilis An. 1675. inseruit. Is in præfatione, quam Vol. II. præmisit, tabulas publicas à Religiosis quibusdam in Gallia editas non solum suspectas reddere, verum etiam Diplomatis à Dagoberto inprimis Rege Monasterio S. Dionysii datæ auctoritatem speciosis impugnare argumentis ausus est. Biennio post liber alius prodit cum notis idem Diploma, quo se à jurisdictione Regis eximere allaborant Monachi, vellicantibus. Annexum est exemplum diplomatis authentici ex MSto Thuano descripti, quod etiamnum in Bibliotheca Colbertiana delitescere ac Diplomatè à Dubleto in lucem protracto planè repugnare dicitur. Præterea auctor notarum evincere sustinet, Diploma illud Colbertianum non solum esse authenticum, verum etiam praxi Ecclesiæ & disciplinæ omnino congruere. Contrà Diploma Dubletianum esse suppositium, legibus Ecclesiasticis pariter & Politicis planè contrarium ex multis veteribus monumentis demonstrat. Post non ita multo libellus quidam lucem vidit à miscello quodam Monacho compositus, in quo plus convitiatorum ac ignorantia, quam veritatis erat. Id circò Johannes Mabillonius rem alia via aggressus, Opus suum de re Diplomatica Lutetiæ Paris. A. 1631. in f. edidit, in quibus quicquid ad veterum Instrumentorum antiquitatem, materiam, scripturam & stylum, quicquid ad sigilla, Monogrammata, subscriptiones seu notas Chronologicas, quicquid indè ad antiquariam Historiam, forensis disciplinam pertinet, explicatur & illustratur. Accesserunt Commentariis de antiquis Regum Francorum Palatiis, veterum scripturarum varia specimina Tabulis sexaginta comprehensa, nova ducentorum & amplius monumentorum collectio. Hoc opus, tanquam Palladium quoddam, judice Baudeloto de Dairval in libro Gallico de utilitate peregrinandi, ubi de notis antiquitatis Codicum

cum Manuscriptorum agit, Jacobi Petiti doctissimis, quas editioni suæ Pœnitentialis Theodori subjunxit, notis præcipuè opponendum rarus est Mabilionius. Nec eandem consilium suum dissimulare potuisse idem au&or ait; quippe qui diplomata sui ordinis paulo ante à Papebrochio nigro lapillo notata vel rationibus & argumentis confirmare haud erubuerit. Ut aded inde facile sit intellectu, Notas Petiti in Theodori Pœnitentiale fidem Diplomatibus Sandionysiani elevantes Mabilonio quasi Centrum operis de re Diplomatica constituisse. Ceterum licet alias Baudelotus Mabilonium sua laude haud defraudandum putet; tamen opus ejus de re Diplomatica non per omnia respondere Eruditorum expectationi, nec regulas ab eodem dijudicandis diplomatibus constitutas perpetuæ esse veritatis, ac inde Papebrochium sæpius à Mabilonio dissentire persuasum cupit Lectoribus. Quicquid sit, si tenue meum iudicium interponere licet, existimaverim & Papebrochium & Mabilonium dignos esse, qui in numerum doctissimorum virorum hujus seculi referantur. Quorum ille primus nobis ad Diplomata falsa à veris probè distinguenda glaciem rupit; Hic verò, cui plurima diplomata in Monasteriis & Archivis Galliæ perlustrare contigit, agrum istum Critices multo magis excoluisse videtur, quamvis fortè in Diplomate Dionysiano adversus Jacobum Petitum Abbatem propugnando inferior discesserit. Hæc atque talia hoc loco non prætereunda duxi, quæ edò maximè valent, ut appareat, quemadmodum viri Eruditi diplomata antiqua defendere & infirmare suerint. Quæ res quantæ utilitati sit iis, qui ad intima juris Publici sacra admitti cupiunt, nemo, nisi qui in veteri pariter ac recentiori peregrinatur memoria, ignorat. Henricus Meibomius junior in Introductione ad Saxoniam Inferiorem in primis Historiam promisit peculiare Opus, ubi omnium, qui à Carolo Magno in Saxonia dicuntur erecti, Episcopatum fundationem & fundationum tabulas à nonnullis præclaris viris in dubium vocatas, ab aliis pertinaciter defensas examinabit. Genti enim Meibomianæ singularem quandam ad studia Historica propensionem tribuit natura, cui & ob tot præclara ingenii ac industriæ monumenta summa laus & observantia debetur. Proin precibus omnibus Virum Doctissimum publico nomine orare ac obtestari convenit, ut fidem suam liberare, suaque erudita reperta publicæ luci quam primum exponere ne pigretur. Optandum esset, ut quis Diplomata hinc inde dispersa & latitantia secundum seriem seculorum saltem ab ævo Carolingico ad nostra usque tempora in unum vel plura volumina cogeret, amplexuque & accurato Indice iustreret. Dici enim non potest, quantæ utilitati hic labor juris publici Consulto futurus sit. Facem jam prætulerunt Jacobus Sirmundus, Lucas Holstenius, Ferdinandus de Fürstenberg, Episcopus ac Princeps Paderbornensis, & Monasteriensis, Stephanus Balusius, Godefredus Guilielmus Leibnitus, alique nonnulli. In Baulsii editione Capitularium Regum Francorum, cetera laudabili, hoc notari meretur, eam prioribus haud respondere.

Antiquis, inquit Cointius in Annalibus Francorum Ecclesiasticis ad A. 827. n. 7. editionibus novissimam adversari non dissimulamus. Præter varias lectiones multa quoque alia desiderari in iisdem Balufii Capitularibus Anno 1677. II. Tom. in folio editis monet ex eodem Cointio Guilelmus Cave in Historia Scriptorum Ecclesiasticorum Literaria pag. 366. Antonius Schonhovius misit aliquando ad Cornelium Gualterum magnum volumen Legum Francicarum Caroli Magni, quod insigne vetustatis monumentum vocat in Dissertatione de Origine Francorum, quæ extat in veteris ævi analectis s. veteribus antiquis monumentis ab Antonio Matthæo collectis & editis A. 1698. Lugd. Batav. Quid postea collectioni huic factum sit, nescio. Multa etiam Caroli M. Diplomata rara & nunquam publicata hodiè latent in Monasterio Cafinensi, quæ tamen propter singulares causas à Monachis, tanquam aurum à Gryphis, custodiuntur ac premuntur. Volumen MS. Diplomatum omnis generis, Cæsarum, Regum, Pontificum, Principum, Episcoporum, Abbatum &c. In Bibliotheca sua possedit Casp. Sagittarius, uti constat ex Catalogo scriptorum ejus. Hæredes magnam ac Eruditis gratiam iniverint, si tam utilem laborem à Clarissimo Viro congestum in publicam lucem exire patiantur. Quandoquidem Pontifices olim se publicis Regum ac Principum controversiis immiscuerunt, summa certè laude mactari merentur illi, qui Epistolas, Acta & Diplomata eorum colligenda sibi sumunt. Stephanus X. Papa varia Diplomata in usum curiæ Romanæ congerere haud dubitavit ipse, dum Bibliothecarii ac Cancellarii S. R. E. officio fungeretur. Christophorus Gewoldus Diplomata varia Romanorum Pontificum publicavit Monachii A. 1611. 4. Johanne XXII. Pontifice Romano, Statuta Manuscripta proborum virorum Civitatis Avenionis per Sanctam disquisitionem sapientum examinata, in sanctis Conciliis approbata, atque inter eos authenticè hastenus servata, & deinceps observanda, tanquam justitiam & æquitatem continentia, A. 1316. condita latuerunt in Bibliotheca Naudæi, Cardinalis Mazarini Bibliothecarii. Indè varia antiquitatis monumenta Historica ac Principum aliorumque Diplomata depromi posse, legi in Philippi Labbei Bibliotheca MStorum librorum. Possedit & alia Manuscripta Publica in Bibliotheca sua Naudæus, inter quæ eminent Conventiones inter Carolum secundum, Regem Hierosolymorum & Siciliae A. 1307. d. 6. Novembris & Magnificos viros Opizinum Spinulam de Lurulo & Barnabo de Auria, Capitaneos Genuenses, initæ. Contractus Conventionium inter D. Angelicum Cardinalem & Episcopum Albanensem terrarum & provinciarum S. R. E. in Italia citra Regnum Siciliae consistentium Vicarium generalem & Deputatos Civitatis Aretii tempore Gregorii Papæ XI. & Dominorum Cardinalium Albanensis & Bituricensis terrarum Ecclesiæ in Italia generalium Vicariorum A. 1371. Relationes factæ D. Geraldo de Valle Diano, Neapolitano, S. D. Papæ Capellano, in Regno Siciliae citra Pharama Apostolico Nuntio & Recollectori censuum de omnibus beneficiis eorumque

fructibus & emolumentis dicti Regni Siciliae. De jurisdictione Ecclesiae super Regnum Siciliae Tractatus, in quo ostenditur quadruplici titulo illud ad Ecclesiam Romanam pertinere. Attestationes testium de Finibus agri Beneventani à Gratia, Procuratore Regis Siciliae, productorum coram Episcopo Anagnino & Guilelmo de Spectinis Decano Antiocheno, quibus Gregorius X. mandatum ad hoc sufficiens dederat Anno salutis 1272. Leonis III. Epistolas cum notis publici juris fecit Hermannus Conringius Helmstadii. 1640. Alteram editionem curavit A. 1655. Nicolai I. Pontificis Epistolas Romae Anno 1542. editas vidi Hafniae in Bibliotheca Muhléniana. Innocentii III. Epistolarum libri IV. (ut alias editiones omittam) prodierunt A. 1635. f. Tolosae. cum Notis Francisci Bosqueti, Narbonensis Jcti, Regis in sanctiori Consistorio Consiliarii. Nonnullas etiam lucubrationibus suis illustrasse Paulum Dumey Vasconem, Senatus Divionensis Consiliarium, auctor est Ludovicus Jacobus à S. Carolo in Bibliotheca Pontificia. Innocentii III. Epistolarum Libros XI. cum notis publicavit Stephanus Balusius T. II. Paris 1682. f. Accessere gesta ejusdem Innocentii, vid. Ephemerid. Erudit. Gall. Silvestri II. Pontificis Epistolas è Bibliotheca sua luci publicae exposuit Papyrius Massonus Jctus. Paris. 1611. 4. Pauli Vti Epistolarum libri V. Mantuae 1587. 4. Italicè lucem viderunt, postmodum in Latinam Linguam conversi & editi Colonia Innocentii Vti Epistolarum volumina XV. vel plura. MSta in Bibliotheca Vaticana, Innocentii VIII. & Innocentii IX. Epistolas MSS. in Bibliotheca Caesarea, Urbani IV. volumen Epistolarum in Bibliotheca Vaticana, Urbani Vti Epistolarum. Volumen in Vaticano & Patavii in Museo Benedicti Sylvatici, Primi Medicinae Professoris, Urbani VII. Epistolas ad diversos Romae in Bibliotheca Barberina cum ejus Diariis adservari scribit antè memoratus Ludovicus Jacobus. Utinam Urbani Vti Epistolarum volumen haecenus ineditum, in quibus forsitan nonnulla ad Regnum Arelatense pertinentia reperire licet, publicis exscriptum typis extaret! Notum enim est, sub Pontifice hoc & Carolo IV. Imp. Regnum Arelatense ad Gallos translatum fuisse, vulgò credi. Commentitiam a. illam fabulam Conradus Samuel Schurtzfléischius peculiari dissertatione: *Quod Carolus IV. Aug. non dissipaverit Imperii patrimonium, quatenus pertinet ad Regnum Arelatense*, egregiè confutavit, cujus Viri Eruditissimi sententiam pluribus argumentis, partim ex Auctore Pontifici Arelatenfis rarissimo, & auctoritate publica, teste Gassendo, in Galliis suppresso, eidemque, ut apparet, non lecto, partim aliunde petitis, propediem, Deo volente, confirmare mihi animus est. Porrò Præteniones nihil sunt aliud, quam jura, quæ Reges, Principes aut Respublicæ in Regna, ditiones & urbes à vicinis vel aliis possessas habent: Cumque Historia non solum pugnas ac bella sed etiam consilia bellorumque causas justificas, in quibus Præteniones primum occupare solent locum, exponat; magna meritis opera danda est Juris publici amator, ut Historiam, tam sacram, quam profanam, diurna

noctur-

nocturnaue manu verfet. Inprimis diligenter evolendi sunt Germanicarum ac Francicarum rerum Scriptores, qui sæpè non una suggerunt Diplomata. In iis familiam ducunt Simon Schardius, Johannes Pistorius, Justus Reuberus, Christianus Urstifius, Marquardus Freherus, Melchior Goldastus, Erpoldus Lindenbergius, Henrici Meibomii, Andreas du Chesne, alias Quercetanus & Hadrianus Valefius. Præterea in consilium advocandos arbitror Henricum Canisium, Lucam Dacherium & Johannem Mabillonium, quorum scripta vel sub titulo antiquarum Lectionum, vel Spicilegii veterum Scriptorum aut Analectorum nomine prodierunt. Petrus Lambecius, Hamburgensis, Cæsarea Mts Consiliarius & Bibliothecarius in rerum Germanicarum Syntagmatibus, quæ molitus est, multa diplomata se publicatum recepit. Sed interventu mortis, quæ omnia solvit, tam præclarum opus interpellatum est. Successor ejus Daniel à Nessel eandem curam postea suscepit, uti patet ex Sciagraphia ejus Magni Corporis Historici in varia syntagmata divisi. Inter alia pollicetur Concordata inter Nicolaum Vtum & Fridericum Vtum Imperiatorem; Udalrici Babenbergensis Codicem Epistolarum continentem variorum Pontificum, Imperatorum, Cardinalium & Principum epistolas; Bremensia, Magdeburgensia, Weissenburgensia Diplomata & Privilegia; Acta publica & Concordata inter Imperatorem Fridericum Vtum & Matthiam Corvinum, Regem Hungariæ; Acta Publica Electionis Imperatoris Maximiliani II. in Regem Poloniæ A. 1576. ab Hugone Blozio collecta. Sed Corpus istud Historicum nondum in publicam lucem prolatum vidi, cui fortè Nesselius immortalis est. *Johannes Philippus à Voorburg* incredibili industria curaque elucubravit insignem Historiam Romano Germanicam, cujus XII. Volumina edita sunt Francofurti à Condito Mundo, si bene memini, ad A. usque 877. Non abs re fuerit subtexere judicium, quod de tanti viri conatu dedit in Introductione ad Historiam inferioris Saxonix pag. 94. *Henricus Meibomius Junior: Utinam verò, ait, tandem prodirent, quæ illustris & magna dignitatis Vir, Johannes Philippus à Voorburg, Præpositus Monasterii grandis Vallis, Consiliarius Moguntinus & Herbipolensis cum ad omnis Historiæ Germanicæ, tum Saxonicæ imprimis, illustrationem dudum promissit. Uti enim Vir ille in tanta dignitate tot inter Reip. curas & ejus causæ obitas legationes incredibilem Historiæ Germanicæ apparatus sine exemplo concessit, tot documenta seu & squalore obsita ex Monasteriorum Principumq; Archivis eruit; sic exactissimum ipsius judicium & imprimis Φιλολογικά, quæ in duodecim integris Tomis preliminaribus nulla non pagina apparent omnes rei peritos incitant, ut ab hæredibus tantum Opus, ad Germaniæ & Saxonix æternum decus, exposcant. De quo maximo viro antequam sermonem claudam, non possum non publici boni causa quadam nota bilia verba ex inedita vita ejus, cujus brevem confirmationem ipse senex fecit, hic apponere: Quas molestias, sudores, labores in his Operibus scilicet Historicis concinnandis) sustinuerim, dici vix potest, & tamen in his etiam, scriben-*

da Historia difficultate, cura, sollicitudine, vigilantia, incommodo, sumptu & opere quotidiano, tam duro, difficili & arduo nunquam fractus fui. Quin ad hanc nique horam, eadem qua ab initio, voluptate tencor, nec à molestiis, curis, sumptu obici mihi moram patior. Unum miror, quod, quando interdum, in uno aut altero loco, ex documentis sicut & pulvere obfictis, & forsitan nunquam lucem aspecturis, sed inter tineas & blattas tandem perituris, notitias quaedam peto, id à nostris Principibus, qui tamen alias vana gloria, sed non diu duratura, tanroperè student, & imprimis etiam Ecclesiasticis, id planè non aestimetur, veluti Archivia ipsorum perpetua futura, & tot Imperiorum, ex quibus nullum amplius Archivium extat, & probus sola Historia defectum supplere debet, sortem nequaquam subitura essent: quod ego sapè valde videre debeo. Inter Scriptores Annalium Ecclesiasticorum, eminet Cardinalis Baronius, eiusque Continuatores Henricus Spondanus, Abrahamus Bzovius & Odoricus Rainaldus. Baronius etfi falsa nonnulla diplomata Annalibus suis inseruit; multa tamen habet haud contemnenda, juribus Imperii tuendis plurimum profutura. Sanè Hermanno Conringio non exigua laus debetur, ut pote qui aliquot Diplomata Baronii, in suo planè aureo de Finibus Imperii Opere sub examen revocare voluit. Nec possum, quin apponam Christophori Forstneri de Baronio iudicium, quod visitur in Epistola nondum, quod sciam, edita, A. 1656. ad Johannem Henricum Bœclerum, Virum omni elogio majorem, exarata. Historia Casarum, ait, operis donisq, sui lectione profectò vehementer oblector, cum ab ipsa origine virisque fontibus te narrationem deducere videam, h. e. ab illis qui suorum temporum res gestas aut paulo superiorum literis mandarunt. Nihil enim in Historia exploratum, certumque atque indubitatum habere debet, nisi quod illorum temporum auctores nobis tradiderunt, aut quod Principum ac Reipublicarum Chartophylacia testes habet. Summam propterea profectò laudem meretur eximius Annalium Ecclesiasticorum Conditor Cardinalis Baronius, nisi pro veris & omni exceptione majoribus falsos sapenúmero testes & supposititias schedas, nulla fide dignas, nobis obruderet: Praterèa coactis contortisque interpretationibus etiam fidorum testium dicta corrumperet. Quod ab Isaaco Casaubono, Richardo Montacutio, M. Antonio de Dominis & novissimè à Davide Blondello egerè demonstratum est. Quin Patinus, magni in Gallia nominis Polyhistor, scribit in epistolis Gallicè editis p. 275. Naudæum, virum ceteroqui simplicis veritatis amicum cultorem sibi dixisse, quod Lucas Holstenius firmitissime aliquando asseveraverit, se vel 8000. mendacia Baronii detegere, eaque probare posse ex Manuscriptis Codicibus Bibliothecæ Vaticanæ. Multa etiam in Continuatoribus Baronii desiderantur. Qui quanquam ad illum ne comparandi quidem sunt, legi tamen ac cum ipso conferri debent, quo major lux veritati affulgeat. Nec inutilis erit variorum Chronicorum, Conciliorum tam Universalium, quam particularium, Vitarum Imperatorum, Regum, Principum, Pontificum, Archiepiscoporum, Episcoporum, Abba-

Abbatum, Sanctorum, variorumque Ordinum & Monasteriorum Scripto-
 rum lectio. De quibus consulendi sunt Gerhardus Johannes Vossius de Hi-
 storiciis, & C. Sagittarius in elegantissima introductione ad Historiam Eccle-
 siasticam & singulas ejus partes, Hoc unum miror, Clarissimum Sagitta-
 rium, ubi agit de Vitis Archiepiscoporum, Pontificii Arelatenfis Auctoris,
 oppidò rari, nullam injecisse mentionem; cum tamen Petrus Gassendus Lib.
 4. de vita Claudii Fabricii Peirescii, Senatoris Aquisextiensis hæc tradat:
*Ut mentem diverteret, tandem legit per id tempus Peirescium, quod tum è pre-
 lo primum prodibat, Arelatense Pontificium, auctore Petro Saxio, ejus Ecclesia
 Canonico. Plurimum verò fuit indignatus, quod ille studio nescio quo affectasset
 elevare Principum nostrorum (Comitum scilicet Provinciæ & Regum Galliæ)
 jura & non modò non reposuisset, qua opponi poterant, sed interdum etiam tentas-
 set præter sua illa enervare. Quamobrem non interquievit, donec placito Curia
 evulgatio libri prohibita fuit. Quæsi aliquando ex Morhofio, Historiæ Li-
 terariæ scientissimo, aliisque, an unquam legisset P. Saxii Pontificium Arel-
 atense, sed librum illum se vidisse negarunt omnes. Quare mihi gratulor,
 vehementerque lætor, quod Auctor iste ad manus meas pervenit, qui cum
 jam carceres morderet, publico Decreto in Gallia prohibitus Manuscripti ra-
 rissimi ad instar meritiò haberi debet. Non defuerunt, qui Pacificationum
 Tabulas, fœdera aliaque pacta, ex quorum interpretatione sæpenumero Præ-
 tensiones enasci solent, in unum colligerent. Theatrum pacis h. e. Tractatum
 atque Instrumentorum præcipuorum ab A. 1647. ad A. 1660. usque in Eu-
 ropa initorum & conclusurum Collectio prodiit Norimbergæ Anno 1663.
 Quod Opus postea continuatum est. Sed desiderantur Acta Pacificationum
 ab initio hujus seculi usque ad A. 1647. Quæ si quis congereret, eum haud
 inutilem laborem sumpturum puto. Scriptores pacis Westphalicæ, Neoma-
 genfis & Risvicensis notissimi sunt omnibus. Non tamen prætereundum
 censeo Adamum Cortezjum, vulgo non ita cognitum, qui interpretationem
 sanctionis Pacificæ Osnabrugensis & Monasteriensis ex principiis Actorum
 publicorum singulorum articulorum causas, eorum rationes decidendi exhi-
 bentem promisit in f. Sed mors ejus opus istud titulo satis speciosum nobis
 forsan invidit. Wicquefortius in Memorius seu commentariis suis de Le-
 gatis meminit, sibi fuisse consilium omnia Acta pacis edere à pace Verviniens-
 i ad sua usque tempora. Verùm laudabile hoc propositum interrupit cap-
 tivitas ejus. Quo tempore Manuscripta sua à summo Hollandiæ tribunali
 direpta, ac dispersa fuisse dolet ipse. Interim Sciagraphiam quandam me-
 ditati operis, nisi me decipit memoria, exhibet in libro antè citato. Daniel
 à Neisel in animo quoque habuit emittere *Corpus Historico-Politicum publica-
 rum Pacificationum, confederationum, Ligarum, Conventionum, Transactionum,
 Pactorum, Tabularum Fœderis, Instrumentorum Pacis, Neutralitatis, Com-
 mercii, Associationis, Provisionis, Guarantia, Recessuum intermissicorum ab**

A. C. 1400. ad sua usque tempora per totum terrarum Orbem sancitorum & conclusorum. In quo opere digerendo observavit Doctissimus Auctor seriem temporum, ut ex Prodrogno ejus Historiæ Pacificatoriæ, Vindobonæ An. 1690. f. edit. appareat, spemque nobis fecit, fore, ut non solum Origines & causæ bellorum Austriaco-Hispanico-Gallicorum, sed etiam subsecutarum Pacificationum Diplomata, tabulis Genealogicis & Synopticis illustrium præntensionum diagrammatibus convenientibus locis insertis, noscerentur. Sed enim nondum mihi tam felici esse contigit, ut egregium illud opus orbi erudito magna cum spe desideratum viderem. Quare Godofrido Guilielmo Leibnitio, Electoris Brunsvicensis Consiliario atque Bibliothecario, Viro, ob tot egregia ingenii reperta, editaque æterna industriæ monumenta, Orbi Literato notissimo, dignæ laudes perfolvendæ sunt, quod Codicem suum juris Gentium publicæ luci condonare, & forulis Archivorum ac Guelferbitanæ præsertim, aliarumque Bibliothecarum excussis, Diplomata maximè illustra tignis ac blattis eripere voluerit. Titulus operis ita habet: *Codex Juris Gentium Diplomaticus, in quo tabule authentica Actorum publicorum, pleraque inedita vel selecta continentur, quem ex Manuscriptis præsertim Bibliotheca Augusta Guelferbitana Codicibus & monumentis Regionum aliorumque Archivorum, ac propriis denique collectaneis edidit Godofridus Guilielmus Leibnitius. Hannoveræ impensis Samuelis Ammonii. A. 1693. f.* Hoc volumine conclusit vir omni doctrinarum genere ornatissimus non solum Pacificationes, quæ vulgò Tractatum nomine veniunt, sed etiam Fœdera, Instrumenta dotalia, Testamenta Principum, Donationes, Cessiones, Renunciationes, Investituras, Homagia &c. ab initio seculi XI. usque ad A. 1500. Quod opus multum lucis adferre poterit Doctrinæ Præntensionum: Inter alia suppeditat diplomata quædam ad Regnum Arelatense spectantia, quorum illusterrimum est, quo An. 1343. Mense Aprili Humbertus secundus, Delphinus Viennensis, Delphinatum in Philippum Regis Galliæ secundo-genitum, & post ejus decessum in filios Johannis primo geniti arbitrio patris vel fratris primogeniti vel successorum eligendos transfudit, hac lege, ne unquam Delphinatus Coronæ uniretur, nisi Imperium cum Regno Galliæ coalesceret. Errat igitur Imhofius in Geneal. Gal. ubi tum temporis Delphinatum, Regno Galliæ coaluisse scribit. Ego verò possideo aliud pactum A. 1349. penultima die Martii inter Philippum Regem Galliæ & Johannem ejus primogenitum ab una; & Humbertum II. Delphinum Viennensem ab altera parte initum, quo Delphinatus Carolo Vto, Johannis primogenito, cessit. Quod diploma latina lingua conscriptum si Clarissimus Leibnitius habuisset, haud dubiè Codici suo inferuisset. Præterea alia documenta in manibus habeo ad Delphinatum pertinentia, de quibus commodiorem disserendi occasionem capiam, quando de Jure Imperii in Delphinatum agendum erit. Johannes Tilius, vulgò Tillet, Tom, II, Collectionis suæ Regum Galliæ lingua vernaculâ conscriptæ,

bella

belli & pacificationes, Indûcias & fœdera inter Reges Galliæ atque Angliæ inita exhibet. Ministerio Cardinalis Mazarini subnexa quoque est farrago Pactorum, Transactionum & Confœderationum inter Galliam & Principes externos icitarum. Verùm A. 1693, majoris molis Opus VI. Vol. in 4. editum est. Lutetiæ Parisiorum, Regis Galliæ privilegio munitum, cui Collector titulum huncce fecit: *Recueil des Traités de Paix, de Neutralité, de Confederation, d' Alliance, & de Commerce faits par les Rois de France avec tous les Princes & Potentats de l'Europe & autres depuis près de trois siècles.* Volumen primum continet Tractatum pacis Atrebatensis A. 1435. & subsequentes, Carolo VIII. & Ludovico XII. Regibus, initos. Volumen secundum complectitur Instrumenta seculi XVI. Ludovico XII. Francisco I. Henrico II. Francisco II. Carolo IX. Henrico III. & Henrico IV. Regibus. Volumen tertium comprehendit pacta seculi XVII. inter Henricum IV. Ludovicum XIII & Ludovicum XIV. Reges, ac Imperatorem Romanorum, Principes & Status Germaniæ, Civitates Anseaticas, Ducem Lotharingiæ, Principes Sedanenses atque Bullionenses sancita. Volumen quartum exhibet Tractatus ab A. 1444. cum Helvetiis, Grisonibus seu Rhætiis, Ducibus Italiæ, Regibus Hispaniæ & Portugalliæ ad nostra usque tempora initos. Tomus quintus continet Conventiones hujus seculi cum Regibus, Angliæ, Daniæ, Suediæ & Poloniæ, Belgio Fœderato, Magno Principe Moscoviæ &c. factas. Tomus Sextus complectitur Tractatus Fœderales & Fœdera inter Principes & Status Imperii adversus Regem Gallia ista cum aliis Actis & Memoriis s. Commentariis. Annexæ denique est Collectio Decretorum Camera Metensis &c. Diplomata inedita Collector describenda curavit ex Thesauro-Chastarum Bibliothecæ Regiæ, Camera Rationum Parisiensi & Insulari, (ubi servantur Acta publica Domus Burgundiæ) Camera Rationum Nannetensi & ex multorum Ministrorum ac Secretariorum Status variorumque Legatorum Musæis, qui publicum juvandi studio commoti laudabili Collectoris conamini favere auxiliatricesque manus commodare haud dubitarunt. Gothofredi quoque, Theodorus & Jacobus, viri maximæ in Republica Literaria celebritatis, cum eo communicarunt omnes Ludovici XII. & Francisci I. Tractatus, uti vulgo appellantur, cum aliis multis Actis, apprimè curiosis, quorum exempla ex Autographis Archivi Insularis descripta possederint. Notæ verò, quas Amelotus de la Houssaie Volumini primo inseruit, parum fido niti videntur tibi-cine. Cum enim pag. 63. commemorat, Principem Bourbonnium jus suum in Provinciam ad Imperatorem transtulisse, quod vi juris testamento ab Anna Avia relicti sibi arrogaverit, libere ac temere satis pronunciat, ejusmodi jus planè nullum fuisse, propterea quod testamentum Caroli, Ducis Andegavensis, in gratiam Ludovici XI. Regis Galliæ conditum ultima Annæ voluntate infirmari haud potuerit. Cui argumento nihil firmamenti ac roboris inesse reperio. Nam, teste Cominæo Lib. I. de Bello Neapol. p. 2. edit. Argent.

Re-

Renatus, Jolandæ Ducis Lotharingæ filius, jam seculo XV. per legatum Carolo VIII Galliæ Regi significandum duxit, se Renati Siciliæ Regis, Andium Ducis & Provinciæ Comitris è filia nepotem esse, seque debere præferri Ludovico XI. Regi, qui tantum esset nepos è sorore, atque adeo ad se potius jure hæreditario pertinere Provinciam contendit. Rex quidem respondebat, majorum testamentis cautum esse, ne ad filias devolveretur Provinciæ Imperium & ideo ipsum, qui matri succederet, nullum jus habere posse. Sed hypothesis illa indubitatis documentis & rationibus nondum est demonstrata; imò contrarium evinci potest ex Historia, aliisque argumentis haud spernendis. Quemadmodum enim, præeunte Hugone Grotio lib. II. de Jure Belli ac Pacis C. VII. §. XXI. in iis Regnis, quæ primitus data sunt in feudum ab eo, qui planè dominus erat, sequenda erit lex successionis feudalis, quæ in gente quaque recepta fuit, quo tempore data est prima investitura: Ita quoque in Provincia ea succedendi ratio locum habere debuit, quam antiquis ab hinc temporibus in Regno Arelatenfi, Cujus pars Provincia est, constitutam fuisse invenimus. Jam verò Historia nos docet, in Regnis Arelatenfi & Burgundico omnia ferè feuda fuisse sæminina. Sic Burgundiæ Comitatum ad Suevos, Meranicos, Burgundos, Matifconenses & Cabilonenses, Francos, Burgundos Ducales priores, Flandros, Burgundos Ducales posteriores, Austriacos, Delphinatum ad Burgundos & Turrios, quin & Provinciæ Comitatum ad Barcinonenses, Andegavos secundos & tertios per sæminas transiisse, ingenuè agnoscit ipse D. Blondellus in Præfat. Apologet. adversus Chifletii Lotharingiam masculinam A. 1648. editam. Hinc Stephanía Gilberti II. Comitris Provinciæ A. 1140. denati filia unica jure suo hæreditario in nixa Comitatum Provinciæ sibi asseruit adversus Berengarium patrum, cujus maritum, nomine Raymundum, Burgi novi Arelatenfis & Balthiarum Urbium Dominum, non solum pro filio Provinciam paterno jure administrandam suscepisse, verum etiam eandem jure fiduciario à Conrado II. Imperatore impetrasse, testatur Petrus Saxius in Pontificio Arelatenfi sub Guillelmo primo Archiepiscopo. Et licet Stephanía post obitum mariti suo in Provinciam juri renunciasset, tamen filius ejus Hugo pactis istis vi atque potentia adversarii Berengarii extortis stare postea noluit. Et ille sine dubio Provinciam sui juris fecisset, nisi Fridericus I. Imperator affinitatem cum Raimundo Berengario contraxisset, Richildi Augusta Castellæ Regina Imperatoris Consanguinea Raimundo Berengario, Raimundo filio, in matrimonium data: eoque Provinciam utrique honorario fidelitatis jure Fridericus Barbarossa attribuit. Vid. Pontificium Arelatense sub Raimundo II. à Bolena Archiepiscopo. Frustra urget Amelotus de la Housfaje. Provinciam jure scripto uti, & inde ad Ludovicum XI. A. 1481. à Carolo Andegavensi, Comite Provinciæ, hæredem testamento institutum Comitatum provinciæ jure merito pertinere colligit. In Imperio enim Romano-Germanico estu magnam habet

bet auctoritatem jus scriptum seu jus Civile Romanorum : tamen testamenta Ducum ac Principum Imperii , confirmatione Imperatoris veluti robore suo destituta , per se invalida haberi , experientia quotidiana , rerum omnium Magistra , satis docet . Cum igitur Provincia pars sit Regni Arelatenfis , Legibus Imperii obnoxii , sequitur , testamentum Caroli Andegavensis Provinciae Comitum nunquam ab Imperatoribus Germanicis confirmatum ad nihilum planè recidere . Quod autem Regnum Arelatenfe ad Imperium Romano Germanicum re vera pertineat , demonstravit Conringius in præclaro opere de finibus Imperii , & ego quoque argumentis & diplomatibus omni luce clarioribus illud S. R. J. plenius , si vita suppetet , vindicabo . Sed enim , ne quis me jactantiae infimulet , placet speciminis solum gratia Conradi II. Imperatoris Diploma ex Pontificio Arelatenfi , libro ceteroqui repertu rarissimo , desumptum hic inferere , quod ita habet :

In nomine Sanctæ & individua Trinitatis Ego Colradus DEI Gratia Romanorum Rex secundus reverendo Raimundo Urbis Arelatenfis Archiepiscopo , ejusdem Civitatis clero & populo gratiam suam & omnem bonam voluntatem .

Antiqua Regni consuetudo celebris & Imperatorum instituta Regum Romanorum discretionem nostram sollicitant ; quatenus Ecclesiarum utilitatibus nostro Imperio subjectarum & specialiter Arelatenfi Ecclesia , cui quadam prerogativa privilegiorum tenemur , studeamus subvenire , & ut propria sedi nostra providere , clericos defendere , bona illorum ad laudem & gloriam nominis Christi illibata servare , & ne aliqua imperiorum tiremnide (tyrannide) affligantur , maximè operam dare , si qua etiam eisdem damna injustè & absque ratione ab aliquibus inferantur , piè & misericorditer reformando , eadem refarcire . Imperialia itaque decreta sequentes & Antecessorum nostrorum clementiam imitantes tibi , venerande Raimunde . Arelatenfis Civitatis Archiepiscope , & per te Ecclesia tua & successoribus tuis nostra Regalia in Urbe Arelatenfi & totius tui Archiepiscopatus diœcesi concedimus , S. Jusitias , monetam , judeos , fornarias , cordam , quintale , sestarium , redditus navium , montationes , stagna salinarum , lacus , paludes , pascua de Cravo , ut habeas perpetuò tu & Arelatenfis Ecclesia auctoritate nostra munificentia in pace possideas , & per te tui successores , quicumque in Ecclesia Arelatenfi Catholica extiterint . Concedimus etiam Tibi jurisdictionem NB. post nos in Civitate Arelatenfi ; Insuper consummamus tibi Do-

C

minium

minium de Trencatallis, Castrum de Salone, Castrum de Alvernico, Castrum de Avalone, Castrum s. Amantii, Castrum Vercum, Castrum de Mornacio, Castrum Montis Draconis, Castrum de Nioms, Castrum de Vinzobrio, Abbatiam s. Gervasii cum omnibus suis pertinentiis, piscaria de Ponte, & quicquid Arelatensis Ecclesia in Civitate, vel extra per seculares seu Ecclesiasticas personas habet, & possidet; vel juste habere debet, vel inantea acquirere poterit, tibi jam dicto Raimundo & Ecclesia Arelatensis & successoribus suis concedimus. Verum ut ista donatio seu hujus privilegii confirmatio firma & stabilis posteris tuis aternaliter permaneat, presentem paginam bulla nostra antea muniri jussimus, si qua verò improborum temeritas confirmationem istam inquietare voluerit, banno Regali subjaceat & pro poena quadraginta libras auri se daturum cognoscat; cujus dimidium fisco nostro & dimidium Arelatensi Archiepiscopo fore cognoscimus. Hujus autem donationis, seu privilegii confirmationis testes esse volumus Henricum Moguntinum Archiepiscopum, Episcopos Buccani Germanicensem, Olibrium Basileensem, Surcardum Argentinum, Titerium Archi-Diaconum, Albertum Notarium, & alios multos.

Factum est hoc privilegium Anno ab incarnatione Domini MCXLIV. Anno quinto VII. Regni ejus.

Ex quo manifestum evadit, quantam auctoritatem & jurisdictionem jam seculo XII. Rex Romanorum in Regni Arelatensis Primatem exercuerit, cujus caput est Arelas, Provinciae Metropolis, ubi antiquitus Imperatores Romano-Germanici coronari ab Archiepiscopo sueverunt. Egregium istud Diploma primus eruit ex Autographo Episcopali rubeo f. 3. & Archivi Arelatensis Scrinio Codicillorum aureo sigillo munitorum Petrus Saxius, cujus documenti vestigium neque apud Conringium, neque apud alios Juris Publici Doctores, qui in scriptis suis de Jure Imperii in Regnum Arelatense hactenus disputarunt, reperire licet. Ex eodem diplomate etiam simul discas, Antistitem Arelatensem ab Ipso Imperatore Archiepiscopi titulo ornatum, honoratumque fuisse. Id quod contra Josephum Scaligerum est, qui Epistola CCCXLV. Antistitem Arelatensem non Archiepiscopatum, sed Episcopatum olim praefuisse nimis fervide contendit. Arelatum enim nunquam Metropolim exitisse, sed Archiepiscopi Viennensis Legibus obnoxiam fuisse existimat. Ante annos XXIII. cum Aquis Sextiis fuisset, ostendisse sibi, ait, praesidem Ampliff. Curiae Secundum notitiam Episcopatum per Provincias Galliarum, ante 300. annos scriptam, in qua Arelatensis Praesul non Archiepiscopus,

scopus, sed Episcopus sub Metropolita Viennensi censeretur. Arelatenfis Archiepiscopatus an unquam institutus fuerit, an per tacitum consensum in eo iure, quod sibi vindicavit, ad hanc diem manserit, se nescire scribit, quamquam pro certo habet, rem non esse aded vetustam. Qui Decreta Gratiani objecerint, eos hac exceptione repelli posse autumat. *Si Metropolita est, inquit, verum est. Contra falsum, si Arelate ante quadringentos annos, & infra illud tempus, adhuc sub Provincia Narbonensi erat, omnino novum esse Archiepiscopatum.* Præterea miratur, doctos viros hoc non advertisse. Imò subsequenti Epistola scribit, de Contentionibus inter Arelatensem & Viennensem Episcopos super hac ambitione multa produci posse: ut & de pallio ipsi Arelatenfi à Romano Pontifice misso. Quod esse argumentum opinatur, Arelatensem Præfulem non Archiepiscopum, sed Archiepiscopalibus ornamentis fuisse. Denique concludit, omnem hanc ambitionem, quam vocat, ex sanctione Constantii tyranni derivatam esse. Verum enim verò si res suo merito pendatur, Josephum Scaligerum graviter errasse deprehendimus, quando Antistitem Arelatensem Archiepiscopo Viennensi subijcere haud veretur, auctoritate veterum monumentorum planè destitutus. Provocat quidem ad Notitiam Episcopatum ante 300. annos scriptam. At ex Diplomate Conradi Imperatoris suprà citato, quod toto seculo, & quod excurrit, verustius est Notitià illà Episcopatum Galliæ, contrarium apertè evincitur. Quin Petrus Saxius in Pontificio suo Arelatenfi probat, Tabulas electionis Bonifonum, Regum Arelatensium, qui jam seculo IX. vixerunt, Rostagnum Præfulem, tanquam Archiepiscopum Arelatensem ac Burgundiæ Primatem subseripsisse. Quo ipso simul argumentum Scaligeri, quod Decreto Gratiani opponit, sua corruat imbecillitate, omnino necesse est. Quod verò attinet controversiam, quæ Archiepiscopo Arelatenfi de Primatu cum Archipræsule Viennensi quondam intercessit, illam Petrus Saxius in Pontificio Arelatenfi sub Hilario adversus Scaligerum ex professo ventilat, cujus argumenta omnia hoc loco repetere nimis longum foret. Et quandoquidem Scaliger etiam mentionem fecit pallii ad Præfulem Arelatensem transmissi, notandum, Papam olim infcio Imperatore, id mittere non potuisse. Ita Vigilius Papa seculo VIto non ausus est absque Imperatoris permisso Archiepiscopum Arelatensem pallio donare. Nam Vigilius ipse in literis ad Auxanium datis, & per Johannem Presbyterum & Terentium Diaconum acceptis hunc in modum respondit. *Se Ordinationem quidem probare, usum verò pallii se inconsulto Imperatore mittere non posse. De his verò, inquit, qua charitas nostra de usu pallii, quem de aliis sibi à nobis petiit sibi debere concedi, libenti hoc animo etiam in presenti facere sine dilatione potuimus, nisi cum Christianissimi Domini filii nostri Imperatoris hoc (sicut ratio postulat) voluissemus perficere noticia, DEO auctore; ut & vobis gravior prestitorum causa reddatur, dum qua postulatis cum Christianissimi Principis Consensu conferuntur, & nos honorem fidei ejus servasse*

cum competenti reverentia iudicemur. Vid. Petrus Saxius, qui diploma istud integrum ex Cod. MS. Auct. Apost. f. 56. Pontificio suo Arelatenſi inferuit. Imminuta atque debilitata paulatim in Occidente Imperatorum auctoritate, jus pallii concedendi ad se traxiſſe Pontifices, dominandi avidos, vero ſimile eſt. Ceterum pallium Archiepiſcopale non accepit Antiſtes Arelatenſis in ſignum Ornamenti Archiepiſcopalis, uti opinio fert Scaligeri, ſed poteſtatis Eccleſiaſticae, quam in ſuffraganeos ſuos exercebat, quorum numerum exhibet Notitia Episcopatum, ſive Codex provincialis Romanus, ab Auberto Miræo ex vetuſto Codice ante annos fere quingentos ſcripto publicatus & notis illuſtratus ac A. 1614. Chronico Chronicorum Politico inferuus à Jano Grutero, qui ſub nomine Johannis Gualtherii laet, ubi Archiepiſcopatus Arelatenſis finibus ſequentes Episcopos ſuffraganei comprehenduntur: *Mafſilienſis, Avenionenſis, Arauſicenſis, Vaſionenſis, Cabellienſis, Tricaſtinus, Carpenoratenſis & Tolonenſis.* Fallitur denique Joſephus Scaliger, Vir cetera doctiſſimus, dum Archiepiſcopi Arelatenſis ambitionem, ut vocat ex Conſtitutione Conſtantii Tyranni derivare ſuſtinet, quam ipſe Lectionibus ſuis Auſonianis p. m. 69 corruptè inferuit. Namque non ſatis fideliter in exſcribendo illo diplomate, quod Franciſco Roaldo acceptum fert, verſatus eſſe videtur. Id quod partim ex inſcriptione memorati diplomatis Conſtantini Tyranni nomen præſe ferentis, partim ex ejuſdem calce, ubi notam temporis ex induſtria haud dubiè omiſit Scaliger, liquidò conſtat. Genuinam autem illam Conſtitutionem, qua A. C. 418. Arelato Urbis Metropolitanæ dignitas auctoritate Imperiali indulta eſt, ex Sirmondi in Sidonium Apollinarem notis A. 1672. à Philippo Labbeo editis deſumptam Ægidius Bucherius Belgio ſuo Romano Eccleſiaſtico & Civili interſuit, quam hic ſubjicere haud gravor:

HONORIUS ET THEODOSIUS AUGUSTI V. I. AGRICOLÆ

„ PRÆFECTO GALLIARUM. Saluberrima Magnificentiae tuae ſuggeſtione
 „ inter reliquas Reip. utilitates evidenter inſtruſti, obſervanda Provinciali-
 „ bus noſtris, i. e. per ſeptem Provincias, manſura in ævum proſperitate de-
 „ cernimus, quod ſperari planè ab ipſis Provincialibus debuiſſet. Nam cum
 „ propter privatas ac publicas neceſſitates de ſingulis Civitatibus non ſolum
 „ de Provinciis ſingulis, ad examen Magnificentiae tuae vel honoratos con-
 „ fluere, vel mitti legatos, aut poſſeſſorum utilitas, aut publicarum ratio
 „ exigat functionum, maximè opportunum & conducibile iudicamus, ut
 „ ſervata poſthac annis ſingulis conſuetudine, conſtituto tempore in Metro-
 „ politana i. e. Arelatenſium Urbe incipiant ſeptem provinciae habere concii-
 „ lium. In quo planè tam ſingulis, quam omnibus in commune conſulimus.
 „ Primum ut Optimatum Conventu ſub illuſtri præſentia Præſecturae,
 „ ſi id tamen ratio publicae diſpoſitionis obtulerit, ſaluberrima de ſingulis
 „ rebus poſſint eſſe concilia. Tum quicquid tractatum fuerit, & diſcuſſis
 „ ratiociniis conſtitutum, nec latere potiores Provincias poterit, & par. m

necesse est inter absentes æquitatis formam justitiæque servari. Ac placet
 præter necessitates publicas, etiam humanæ ipsi conversationi non parùm
 credimus commoditatis accedere, quod in Constantina Urbe jubemus annis
 singulis esse Concilium. Tanta enim loci opportunitas, tanta est copia
 Commerciorum, tanta illic frequentia comitantium, ut quicquid usquam
 nascitur, illic commodius distrahatur. Neque enim ulla Provincia ita pe-
 culiari fructus sui felicitate lætatur, ut non hæc propria Arelatenis soli cre-
 datur esse fœcunditas. Quicquid enim dives Oriens, quicquid Odoratus
 Arabs, quicquid delicatus Assyrius, quod Africa fertilis, quod speciosa Hi-
 spania, quod fortis Gallia potest habere præclarum, ita illic affatim exube-
 rat, quali ibi nascantur omnia, quæ ubique constat esse magnifica. Jam ve-
 rò de cursu Rhodani & Tyrrheni recursus, necesse est, ut vicinum faciant
 ac penè conterminum, vel quod iste præterfluit, vel ille quod circuit. Cum
 ergò huic serviat Civitati, quicquid habet terra præcipuum, ad hanc remo-
 vehiculo, terra, mari, flumine deferatur, quicquid singulis nascitur: quo-
 modo non multum sibi Galliæ nostræ præstitum credant, cum in ea Civi-
 tate præcipiamus esse conventum, in qua divino quodammodo munere
 commoditatum & commerciorum opportunitas tanta præstat? Siquidem,
 hoc rationabili planè probatoque consilio jam & Vir illustri Præfectus Pe-
 tronius observari debere præceperat. Quod interpolatum vel incuria tem-
 porum, vel desidia tyrannorum; reparari solita auctoritate decernimus, A-
 gricola parens carissime atque amantissime.

Undè illustris magnificentia tua & hanc præceptionem nostram, &
 priorem sedis suæ dispositionem secuta id per septem Provincias in perpe-
 tuum faciet custodiri, ut ab Idibus Augusti, quibuscunque mediis diebus
 in Idus septembris in Arelateni Urbe noverint honorati vel possessores, Ju-
 dices singularum Provinciarum, singulis Concilium esse servandum. Ità ut
 de Novem populana & secunda Aquitania. quæ Provinciæ longius constitu-
 tæ sunt, si earum iudices certa occupatio tenuerit, sciant legatos juxta con-
 suetudinem esse mittendos. Qua provisione plurimum & Provincialibus no-
 stris gratiæ nos intelligimus utilitatisque præstare; & Arelateni Urbicui-
 jus fidei secundum testimonia atque suffragia parentis Patriciique nostri
 multa debemus, non parum adicere nos constat ornatui: Sciat autem Ma-
 gnificencia tua quinque auri libris iudicem esse multandum, ternis honora-
 tos vel curiales, qui ad constitutum locum intra definitum tempus venire
 distulerint. Data. XV. Kal. Majas. Accepta Arelate X. Kal. Junias. D. D.
 N. N. Honorio duodecimum & Theodosio Octavum Aug. COSS.

Haud temere conjecerim, Constitutionem hanc Honorio & Theodo-
 sio Imp. quoque adscripsisse Egidium Lacarium in Historia sua Galliarum
 sub Præfectis Prætorio, quam nondum mihi videre contigit. Nec obstat,
 quod in memorato diplomate Arelas Constantina Urbs nominetur. Talem

enim titulum non à Constantino Tyranno, sed à Constantino M. Imperatore accepisse probat ex manu exarato Archivi Ecclesiæ Arelatensis Codice Petrus Saxius in Pontificio suo Arelatensi sub Maurino s. Marino Archiepiscopo p. 10. *Muros nostros, inquit, Urbemq̄, instauravit Constantinus Magnus, & à suo nomine Constantinam iussit appellari: Lege enim in nostro Codice MS. à piissimo Augusto Constantino reedificata est Arelas, qua nescio quibus ruinis defecerat, & ut apicem semper obtineret dignitatis dilectionis signo nomen suum imposuit ei. His suffragatur Honorii & Theodosii A. A. decretum. Ac planè præter necessitates publicas etiam humane ipsi conversationi non parum credimus commoditatis accedere, quod in Constantina Urbe jubemus annis singulis esse concilium. Ergò quis non videt, hallucinari Scaligerum, dum nomen Constantina & Constitutionem Honorii & Theodosii ad Constantinum Britannum & Tyrannum revocat. Legebatur etiam in marmore extra portam militarem & in adibus Templariorum Arelate.*

IMP. CÆS. FL. VAL. CONSTANTINO. P. F. AUG.
RESTITUTORI.

*Arelatem verò suam adamasse Constantinum non ex nomine & restauratione murorum tantum convincitur imò ex filio, cui Arelatensis nomen dedit: cum enim Arelate natus esset, vulgò Constantinus Arelatensis ab Historicis dictus legitur; Postremò Scaliger sub finem cap. 24. Lib. I. Aufon. Lect. non pauca de Constantini Tyranni exitu miserabili Olympiodorum tradidisse meminit, quæ tamen nihil ad rem facere putat. At verò si Vir Clarissimus ea, quæ Olympiodorus, celeberrimus ceteroquin Historiæ Honorii Senioris & Theodosii & Honorii junioris Scriptor, de Constantino Tyranno commentatus est, probè considerasset, eademque cum fastis Consularibus Idacii contulisset, nunquam, arbitror, Constantinum Tyrannum Constitutionis superius allegatæ auctorem fecisset. Hunc enim iussu Imperatoris jam. A. 411. occisum fuisse extra omnem disputationis aleam positum est. Quomodo ergò Constitutionem supra dictam, quæ ad A. C. 418. jure merito, Bucherio computante, refertur, sancire potuit Constantinus, Tyrannus jam septem ante annis miserando fato functus? Verùm hæc atque talia obiter monenda duxi in gratiam potissimum eorum, qui antiquitatum Ecclesiasticarum amore ac studio tenentur. Et quanquam Josephus Scaliger suo tempore haud vulgari in Orbe Literato florebat Eruditionis laude, tamen cum in scientiis veritati plus dandum sit, quam auctoritati, errorem ejus modesto licet sensu, notare volui; imò Reip. Literariæ causa debui, cujus maximè interest errorum scopulos detegi, ne in illos facilè impingat Studiosa juvenus. Nec dubium, quin Josephus Scaliger se hominem fuisse meminerit, nihilque humani à se alienum putarit. Neque enim (verba sunt Antonii Pagi in Prolegomenis, quæ Dissertationi suæ de Consulibus Cæsareis præfixit) adj decipiendum nati sumus, valdeque refert, ut magnorum etiam virorum, quorum labores miramur,
qui-*

quibus ut dicescimus, lapsus in manifestam lucem producantur, ne eorum auctoritate lectores permoti, quod fugere debuerant, incaute amplectantur. Sanè in eo quoque Scaliger manifesto reprehenditur à Thoma Reinesio, quod Arelatam lib. 2. c. 30. p. m. 172. Lect. Aufon. dictam fuisse Mamiliariam existimat. Operæ pretium erit subnectere locum ipsum maximè notabilem, quem habet castigatissima Magni Aufonii editio p. 239. cum integris Scaligeri, Mariangeli, Accursii, Freheri, Scriverii, selectis Vineti, Barthii, Acidalii, Gronovii, Grævii aliorumque notis A. 1671. Amst. publicata. Verba auctoris sunt hæc: *Arelatam hodiè Gallia Narbonensis splendidissimum oppidum Rhodano impositum Mamiliariam dictam fuisse, primus, quod sciam, Scaliger observavit, inde sublegerunt Ortelius & Merula & credidere adseveranti, quia lapidis inscripti testimonio niteretur. At hodiè cum ipsum lapidem in Grutero mihi contigisset inspicere, Scaliger quod monstro simile est Ἐρωστὴν μεγαλίας ἀτυχούς. Syllabam enim M. A. initialem vocabuli, cuius reliqua obliterata sunt in saxo, cum sequenti integra & significante vocula impertinenter connexuit, undè chimaera illa exiit MAMILIARIA. Ecce autem ipsum marmor. — VIR INL — AUXILIARIS PRÆF — PRÆT. GALLIA — DE ARELATE. MAMILIARIA. PONI. S. — M. P. J. Cujus sensus, suppleantur lacune, uti suppleendus esse remur, talis est: XV. Consulatu Theodosii, qui cum A. C. 435. coincidit. VIR ILLUSTRIS AUXILARIS (prænomen enim, quod detritum est, divinare nondum potui) Præf. Præt. Galliarum DE ARELATE MARITIMAM usque MILIARIA poni sua pecunia curavit. C. Grachus lata lege Sempronia de vis sternendis, muniendis, reficiendis instituerat, ut lapidibus certa mensura positis notarentur millia passuum & signa spatiorum columellis, qua singulis miliaribus statuebantur, inciderentur. Ei rei curator viarum, cuius mentio apud Gruterum; cum quatuor viri viarum curandarum sub Imp. & in Municipiis adibus creati sunt. Ipsi Imp. Magistratus, & viri illustres vis everfis & corruptis refarciendis, dimetiendis & signandis per Provincias incubuerunt. Idem studium Præf. Præt. Galliarum fuit, commoditatibus Provincialium miliaria ab ARELATE usque ad MARITIMAM, que colonia fuit & Urbis Avaticorum Ptolom. lib. 2. stagno seu fossis Maurianis opera Maris bello cum Cimbris & Teutonibus à Rhodano duellus & Mari Marsalitano seu Lignifico adiacens, distinguere & signare: Cujus operis memoriam iste Lapis Arelatensis conservavit. In versu ultimo nota numeri, quot videlicet passuum millibus iter Arelate Maritimam confisterit, excidit. Hæc Thomas Reinesius. Ceterum ut eò, undè digressus sum, revertar, Provinciam Romanorum esse quoque feudum fœmininum & hæreditarium ulteriùs demonstrari potest adversus Amelotum de la Houffaye, & quidem propria Regis Gallie confessione. Etenim si fœminæ in Provincia successiones hæreditariæ non sint capaces, cumnam Rex Gallie ipse Margaritæ Reginæ Angliæ Renati Regis Neapolitani, Ducis Andegavensis, Lotharingæ & Barri, Comitisque Provincie filie secundo-genitæ jura, quæ*

quæ obtendebat in Provinciam ad se transferenda curavit ? Quidam enim scriptor Gallicus in Propilæis pactorum Regis Galliæ promittit duo diplomata huc facientia se editurum, hisce titulis : *Don fait au Roy Louis XI. par Marguerite Reine d'Angleterre des Droits qui luy appartiennent aux Duchés d'Anjou, de Lorraine & de Bar, & au Comte de Provence à Bourges le 27. Mars 1475. Seconde Cession & transport au Roy Louis XI. par Marguerite Reine d'Angleterre de tous ces Droits successifs aux Duchés d'Anjou, Lorraine & Bar, & Comte de Provence. Fait à Angers. le 19. Octobre 1480.* Quare si Margarita, Henrici Angliæ Regis conjux, jus hæreditarium, vel ipso Rege Galliæ factente, habuit in Provinciam, quanto magis idem jus Jolanthæ dicti Renati Primogenitæ, Friderici Ducis Lotharingiæ uxori, competuisse statuendum est? Perspicuè igitur videmus, Gallos propriis retribus, quæ alias Germanis tenduat, capi posse, ex quibus neutiquam se explicare noverint. Quia Petrus Saxius in libro sæpè citato artes, quibus Ludovicus XI. ad acquirendam Provinciam possessionem usus est, non dissimulat, quando scribit, ei optatam diu Provinciam ipsamque Urbem Arelatensem obvenisse, non sine Palamedis Forbini, sacri defuncti Comitum Cubiculi Præfetti, ope, cui fasces meri Imperii commiserit, in hujus rei gratiam præmiumque, addito Pro-Regis titulo jureque : Eundem Regem Galliæ voluisse etiam ut Commisoria noxæ clientes eximeret, attributo ære collatio & multatio ; bullatas reservationum tabulas concederet, & quod præcipuum, in amplissimo ordine Senatores crearet, destitueretque : uno verbo Comes esset, idque epigrammate retulisse ex incerto auctore Johannem de Gallaup, Clarissimum apud Aquisenses Regiarum rationum Advocatum.

*Infueta hac merces, Comitum Regem ipsum creavi,
Regna mihi ut Regi credidit ipse Comes,
Imò Regna dedit, dum Regia jura remisit,
Alternò officio conciliatur amor*

Palamedes Porro ille Sub Regulus Cives Arelatenfes in verba Regis jurare fecit, fœdera que inter priores Comites Provincie & Arelatenfes ista (quæ aliàs conventiones vocantur) renovavit, atque hujus rei diploma in Archivis Regis Rationalium Aquisensium, & in Chartaceo, cui Titulus Corona fol. 92. legi testatur P. Saxius sub Eustachio CDII. Archiepiscopo Arelatenfi. Et sane simul notari meretur in Chartis Arelatenfium publicis, teste eodem, Reges Galliæ Comitum & Arelates Dominorum elogiis uti. Quod certissimo argumento est, Carolum IV. Imperatorem Regnum Arelatenfe Gallis non vendidisse, ut nonnulli lubricæ fidei scriptores commentum sunt. Enim verò si ad Galliam spectaret Regnum Arelatenfe, utique Reges Galliæ in Chartis publicis non Dominos Arelates (quemadmodum Petrus Saxius ex Archivo Arelatenfium pluribus ostendit) sed Reges Arelatenfes se inscripissent. Hanc autem dignitatem Regiam, utpote Domini Arelates titulo

tulo longè auguftiorem, Reges Galliaë fufinuiffe nusquam reperi gentium. Undè arguendus venit D. Blondellus, qui in Genealog. Franc. pleniori aſſertione Regnum Arelatenſe jure Coronæ Francicæ & proprietatis poſſidere Ludovicum XIV. putat, nulla tamen ſuæ aſſertionis fundamenta producit. Et quandoquidem propria confeſſio in ejuſmodi controverſiis magnam vim habere ſuevit, mirandum eſt, ipſummet Blondellum ingenuè agnoviſſe in Barro Campano Francico pag. 82. Provinciam Romanorum, cujus Caput Arelates eſt, eodem jure, quo Andegavenſes Principes per 100. annos uſi fuerint. à Rege Galliaë etiamnum poſſideri. Sed cum paulò ante ad oculum demonſtratum ſit ex Pontificio Arelatenſi, Reges Galliaë, exemplo priorum Comitum Provinciaë, Dominorum tantum titulo in chartis publicis uti, firmiter videmur inferre poſſe, Regnum Arelatenſe ad Regem Galliaë minimè ſpectare. Præterea ſcrupulus adhuc unus meo in animo reſidet, dum dubitare cogor, an Domus Lotharingica ſua in Provinciam jura in Carolum Bourbonium tranſtulit, uti Amelotus de la Houſſaye in notis ad Caroli Andegavenſis teſtamentum, in gratiam Ludovici XI. Regis Galliaë A. 1481. conditum, opinatur. Nam in Arcanis Pacis Weſtphalicæ A. 1669. Francofurti ad Mœnum editis legere eſt, Ducem Lotharingiaë Legatis Cæſareis Monafterii de pace cum Gallis ineunda agentibus certos articulos ſubmiſiſſe, in quibus etiam ſubſequens eminerit: *Denique ſalva ſint Ducis & ſucceſſoribus jura ac prætenſiones in Ducatus Bretagne & Anjou, nec non Comitatus Provincia, Forcalquier, Biais & Conſly cum appertinentiſibus atque alia quacunq;e, ipſis ex hæreditatibus Joſantha Andegavenſis ejuſque Avia de France, Antonii Ducis Lotharingiaë & Domus Bleſenſis &c. competentia.* Ex quo apparet, peculiarem illam Lotharingiaë Ducum in Provinciam Romanorum prætenſionem nondum planè exſtinctam videri. Id quidem facile largior, Carolum Vtum Imperatorem, Provincia ductu Caroli Bourbonii recuperata, eundem in præmium belli fortè Regem Arelatenſem conſtituere voluiſſe exemplo aliquot Imperatorum, inprimis Friderici II. qui Guilelmum Vtum principem Auriacum, ex cujus progenie Wilhelmus Henricus, Rex Angliaë, & Fridericus III. potentiffimus hodiernus Elector Brandenburgicus, Hæres ejus, deſcendunt, A. 1214. 13. Jan. Regis Arelatenſis titulo cohoneſtarit. Hujus rei diplomata adſervari hodiè in Archivis Provinciaë, auctor eſt Piſius in Hiſtoria Principum Auriacorum. At verò utcunq; ſe res habeat, non facile mihi perſuaderi pœui, Imperatorem jure ceſſionis Bourbonianæ innixum eo tempore repetiſſe Romanorum Provinciam; ſiquidem Apologia Madritiæ Conventionis clarè docet, Carolum Vtum, tanquam Imperatorem Romano-Germanicum, Provinciam injuſtè ab Imperii corpore avulſam recuperandi deſiderio aſiſſe. Quæ Apologia cum ex Archivis Hiſpaniæ deprompta ſit, inque paucorum manibus verſetur, non poſſum, quin iſſiſſima ejus verba apponam, quæ ita habent: *Provinciam Pſacenſem non antiquitus Fran-*

coram Regum, ut comminiscimini, patrimonium, sed ad Casarem IMPERII QUO-
RE spectantem aggressi sumus. Ex quibus omnibus luce meridiana clarius pa-
tet, magnam vim diplomatum non amplius in Archivis quæri debere, sed
ex libris editis hinc inde ad jura Regum ac Principum discutienda colligi
posse. Quinimò magnoperè dolendum est, quod acta publica non impen-
siori cura olim habuerint Gentes Europæ. Hinc multa in Archivis Regum
ac Principum Europæ etiamnum desiderari, justa gravesque sunt Doctorum
Virorum pariter atque Aulicorum querelæ. Ita Auctor Præfationis Operi
Puteani paulò post allegando præfixæ Gallorum in custodiendis Actis publi-
cis incuriam nimpere conqueritur. Nec alienum ab instituto meo fore ar-
bitror, si ex Auctore isto non ubivis obvio, quem Vir quidam Per-Illustris
ex splendidissima familia & vetustissima nobilitate oriundus, Mæcenas Li-
teratorum maximus, mihi ante aliquot annos in Holsatia utendum dedit,
nonnulla excerpta ob oculos ponam. Primo describit Auctor Archiva Gal-
liæ, qualia fuere, Rege Philippo Augusto, dicitque, quondam hunc ibi in-
valuissè morem, ut Reges ad bellum vel aliò profecturi Archiva secum ve-
herent. Hinc Philippum Augustum, à Rege Galliæ angustiis aliquando clau-
sum, omnes ferè suas perdidisse chartas ac diplomata. Postea Gualterus
junior irreparabilis ferè hujus jacturæ curam in se suscipere jussus, aliquot
Regis Regnique documenta studiosè conquisivit, & ne priori fato perirent,
locum Parisius delegit ad custodiendæ superstites è naufragio tabulas ido-
neum. Qui locus Thesaurus Chartarum (Tresor des Chartes) dicitur, in
quo tamen nulla amplius diplomata ante Regnum Ludovici junioris reperi-
re sit. Huic Thesauri chartarum Custos, Thesaurarius Chartarum dictus,
prepositus erat, cujus officium in eo consistebat, ut Tabulas publicas hinc
inde collectas suo quasque loco reponeret, accuratumque indicem confice-
ret. Seculo XVI. curam hanc gessit Christophorus Thuanus, & post illum
Johannes Thuanus filius ejus eodem munere functus est. Qua tempestate
Johanni Tilio, Actuario, (qui alias Collectionem Regum Galliæ unâ cum
Diplomatibus quibusdam edidit Paris. A. 1607. in 4.) ad Thesaurum char-
tarum patebat aditus, ut inde, quando opus, nonnulla depromeret. Ver-
rùm id adeò præpostero ordine fecit, ut diplomata, quæ in usum suum de-
cerptæ, in suum rursus locum non reconderet, multaque eorum, quæ
domum secum asportaverat, postea desiderarentur. Hoc malum magis ma-
gicque auctum censetur, B. Brissonio nimis liberali Tabulario Regio utendi
facta copia. Auctoritas enim, qua plurimum valebat, fecit, ut abuteretur
aditu tam facili, multasque memorias s. commentarios inde furriperet. Con-
fusio hæc duravit ad tempora usque Matthæi Molæi, Procuratoris Genera-
lis, qui præcipuè in eam curam incubuit, ut diligentius solito chartæ digere-
rentur, indicesque accurati fierent, datis ei à Rege adjutoribus Petro Pu-
teano & Theodoro Gothofredo, quorum illi clavis Thesauri servanda tra-
dita

dita fuit. Præterea magna pars forulorum capſarumque putredinem contraxerat, pluvia ubique penetrante. Igitur primum omnium placuit, diplomata corrupta & ſemi-putrida à ſe invicem ſeparare, ac integra in meliorem ordinem redigere. Foruli quoque & capſæ reſectæ fuerunt, agglutinationis à P. Puteano ſchedulis. Certè hujus Viri mirificam in colligendis actis publicis induſtriam inſigni maſtat elogio Rigaltius in Vita ejus, quæ extat in Vitis ſelectorum aliquot virorum Londini A. 1681. 4. curante Baſefio, editis, Verba Auctoris hæc ſunt : *Puteanus apud ipſum Peireſcium & Antonium Lomenium Villoclearium arctiſſimo ſecum invicem amicitia nexu conjunctos fecit, ut enixè conſpirarent, qua pollebant, gratia, requirendis undique arcana memoria chartis, curioſa rerum noſtrarum externarumque ſtudia, valde juvantibus. Habentur illic Principum & Legatorum viciffimque ad Principes & legatos literæ, inſtructiones, Mandata & hujusmodi alia innumera : Quibus adornandis veſtigandisque mira fuit Lomenii Peireſciique ſagacitas, magna ſelicitas ſive auctoritas obtinendis, maxima verò Puteani ſedulitas & induſtria ſingulis ordine ac tempore diſtinuendis & componendis. Exinde autem vidimus inſtaurata Bibliothecam voluminum amplius quadringentorum, qua Lomenius noſter ſumptu liberali multo labore tranſcripta magnificoque opere compoſita ſuis adibus officioſiſſimè habuit ad varios uſus amicorum. Eo decedente, ex arario Regio librarum millibus quadraginta perſolutis, Regiam planè ſuppelleſtilem Luparum armariis cuſtodiri placuit, donec accederet Bibliotheca omnium Bibliothecarum copioſiſſima, undè eſt tandem in Regiarum chartarum theſaurum comportata. Hoc etiam verò Puteanum per multo beatiorẽ fuiſſe exiſtimo, quod ſero ſe permiſit Typographus, quorum opera præſtinata pœnitentiam nonnullis induxit & conſervavit ridenda ſenibus cunabula. Legatus ad pacem publicam miſſis adjuungi conſilio noluit, quod poterat etiam à modeſtiſſimis ambitioſe expeti, oblatum ſibi repetitis Magnatum obreſtationibus munus deſugit, ipſiſque etiam Legatus amicè atque enixè ſibi hoc ab ipſo officio poſtulantibus reſtitit perſinaciter, atque in Gothofredum ſuum tranſmiſit. Annuit tamen & fideliter præſtitit, ut ſuper occurrentibus negotiorum queſtionibus conſultus ex animi ſui ſententiâ reſponderet : inſtrumenta, teſtimonia, exempla ſubmiſtraret. &c. Præterea viri ſupra dicti locupletiffimos indices parafle dicuntur, exacta temporis, nominum, Perſonarum, aliarumque rerum & clauſularum maxime notabilium vel ad jura Regis vel ad Hiſtoriam pertinentium habita ratione, ſubjunctis ſæpenumero ad intelligenda eò facilius diplomata Tabulis Genealogicis. A. 1622. Petrus Puteanus jufſu Regis miſſus eſt Trecas, ubi morte deceſſerat Franciſcus Pi-thæus, in cujus Bibliotheca acta quedam publica latebant, quæ juriſus Regis Galliæ lucem accenſura videbantur. Anno 1625. delegati ſunt à Rege tres viri, Lebrettus, Johannes Delonius Lorma & Petrus Puteanus, ut jura Regni Galliæ in ditones circa Moſam & Moſellam inveſtigarent. Occupata haud ita multo poſt Lotharingia, Gothofredus miſſus eſt Nancejum, intro-*

spiciendis diplomatibus ac chartis in archivo Ducis Lotharingæ latantibus. Qui Lutetiam Parisiorum reversus secum apportavit sex arcas diplomatibus authenticis Lotharingæ ac Barri-Ducatus, nec non civitates Metim, Tullum & Virodunum pertinentibus plenissimas. Istiusmodi diplomatum indices Gothofredus tradiderat Cardinali Richelio, Cancellario Regis, & Molæo Procuratori Generali aliisque. Sed nescitur, ubinam supra memorata arca postmodum translata fuerint. Quare Auctor Præfationis paulò ante citata vehementer accusat negligentiam Ministrorum & Archivariorum Regis Galliæ, quod documenta publica non majori sollicitudine asservanda præceperint. Equidem remedium huic malo A. 1628. 23. Decembr. Decreto Marillaci, Custodis sigillorum Regii, quaesitum fuit. Verum Gallos semper ad ingenium redire queritur idem ille, verissimaque esse pronunciat, quæ habet Budæus in notis ad Pandectas. *Nunc omnia, inquit, in tenebris latent incuria temporum in patriaque Galli peregrinari videntur, soli probè hominum rerum suarum ignari. Itaque instrumentum Regni nullum, ne publicum quidem habemus, quod quidem certè magnopere memorandum sit. Sed hic est perpetuus huius Regni genius, rerum gestarum monumenta ut nihil ad Rempublicam pertinere videantur.* Ejusdem ferè negligentia culpam Hispani incurrisse videntur. Hinc Cardinalis Ximinius huic malo remedium propositurus publico Edicto promulgandum duxit, ut Tabulæ omnes publicæ quibuscunque possessoribus extorquerentur, sive in supremo Senatu judicium, sive apud exteros Legatorum munia obirent. Diplomata autem illa in Archivis quam curatissime condi jussit, ut quoties ulus posceret, inde depromi possent. vid. Gomezium in vita Cardinalis Ximenii. Bernhardus quoque Compostellanæ Ecclesiæ Chartophylax, vulgò Thesaurarius, librum congestisse dicitur, complectentem summorum Pontificum & antiquorum Hispaniæ Regum diplomata. C. C. Sandius in notis & animadversionibus, quas scripsit ad Vossium de Historicis Latinis, promisit in auctario, quod molitus est, plures, qui simili studio congerendi antiqua diplomata incubuerunt. Sed non credo, eum fidem suam liberasse. A. 1513. jussu & auctoritate Ferdinandi Regis, cognomento Catholici, diplomata sparsim delitescencia in unum volumen, quod Caput Brevium vocitatur, coëgit Lucas Barberius, Siculus, cujus mentionem facit Thomas Fazellus, qui extat apud rerum Sicularum scriptores. Et quoniam isti volumini Diploma Urbani II. Pontificis, quo Rogerium, Comitem Siciliæ, Caput Ecclesiæ Siculæ declaratum fuisse contendunt Hispani, Barberius inseruerat, adversus eum acriter disputat Baronius in Annalibus suis Ecclesiasticis ad A. 1097. Sed hunc vicissim refutavit peculiari opere Belren de Guevarra. Equidem A. 1571. Pontifex Alexandrinum Cardinalem sororis filium in Hispaniam misit rogatum, ut Jurisdictio Ecclesiastica Pontificis introduceretur, & in Sicilia ac Regno Neapolitano omnia ad præscriptum Concilii Tridentini peragerentur. At enim verò Legatum Pontificis

tificis dimisit Rex Hispaniæ Philippus II. suspenso hocce responso: *fura Majorum suorum, quæ in illis Regnis ac ditionibus fuerunt, uti ea acceperit: ita per suos Magistratus hæcenus servasse. Ceterum ad eos scripturum, & si qua sint, quæ juxta Pontificis desiderium corrigi possent ac debeant pro ea, quæ ipsius colat observantia, sedulo se facturum.* vid. Thuanus lib. L. Hist. p. 749. Magna quoque damna sensisse Archivum Regni Daniæ turbidis maximè Christiani II. temporibus exponit Huitfeldius Cancellarius in Chronico Daniæ. Quod ad Germanos attinet, eos olim Archivis caruisse tam certum est, quam quod certissimum. Quippe Tacitus libello de situ, moribus & populis Germaniæ cap. 2. tradit, Germanos Heroica Majorum suorum facta Carminibus antiquis celebrasse, idque unum apud illos memoriæ & Annalium genus fuisse. Sed enim cum seculo V. inter Germanorum gentes Franci potentia emerent, Galliamque occupassent, eos exemplo Romanorum acta publica diligenter custodivisse dubitari nequit. Ævo Carolingico in Civitatibus, in quibus Concilia habebantur, & in palatio Imperatoris Tabularia publica fuisse reperio. Ita enim Annales Fuldenses ad A. 815. qui extant T. I. Frehererum Germanicarum: *Concilia quinque super statu Ecclesiarum corrigendo ab Episcopis celebrari jussit, quorum unum Moguntiaci, alterum Remis, tertium Turonis, quartum Cabillone, quintum Arelate congregatum est. Quorum gesta qui nosse voluerit, in prædictis quinque Civitatibus invenire poterit.* Multo difertius id confirmant Annales rerum gestarum à Ludovico ad A. 813. qui extant T. I. veterum Scriptorum è Bibliotheca Reuberi editorum: *Concilia quoque jussu ejus super statu Ecclesiarum colligendo per totam Galliam ab Episcopis celebrata sunt. Quorum unum Moguntiaci, alterum Remis, tertium Turonis, quartum Cabillonis, quintum Arelate congregatum est: & constitutionum, quæ in singulis facta sunt, collatio coram Imperatore in illo conventu habita. Quas qui nosse voluerit in supradictis Civitatibus invenire poterit: Quanquam & in Archivo Palatii exemplaria earum habeantur.* Familia Carolingi ea in Germania cum Ludovico Arnolphi filio extincta, Regnoque ac Imperio ad diversas familias translato, nullum est dubium, quin Diplomata multa ob vagas Regum ac Imperatorum Germ. sedes, bellicque motus perierint. Proin mirandum non est, Decreta Concilii Moguntiaci A. 852. jussu Ludovici Germanici habiti, quamvis anxie quæsitâ, nullibi hætenus reperiri potuisse; cum tamen ea tempestate duo exempla, ut supra demonstravimus, in Archivis sollicitè conderentur. Quamto minùs admirari subit jacturam Diplomatum ad fines Imperii pertinentium, quæ in Archivo Palatii servabantur? Hunc Archivi Imperii defectum, è vicinia ut supplerem, magnopere allaboravi, donec fortè inciderem in Auctorem Pontificii Arelatenfis sapius à me laudatum, sed publica auctoritate fisco addictum in Gallia. Is veram causam scriptionis in præfatione maximè dissimulasse videtur. Scribit enim Severtium inter Canonicos Lugdunenses Theologum, virum diffusæ lectio-

nis, insignis probitatis, omnigenæque doctrinæ Galliarum Episcopos descri-
 bentem a se petiisse Archiepiscoporum Arelatenſium Catalogum : Se qui-
 dem desiderio ejus fatiſfecisse, & aliquo Historiæ & annorum calculo de-
 signatos transmiſſiſſe. Illum autem nimium ſuis conjecturis indulgentem ſe-
 riam turbasse Archiepiscoporum, non ſine veritatis Historiæ diſpendio; ad-
 ductam ſub Patroclo Archiepſcopo cauſa, quod ſcil. diplomata Pontificia non
 ſubjeciſſet. Id circa ſe provocatum, pergito, peris nondum ſatis maturi e-
 ditionem accelerasse, Democarem, Savaronem, Noſtradamum, Chenuti-
 um, Robertum & Severium omnium poſtremum Præſulum Arelatenſium
 nomina vulgaſſe; Democarem quidem admodum imperſectè, Noſtrada-
 mum aliud agentem quorundam tantum nomina edidiſſe. Chenutium ſequi
 Savaronem, qui quidem perantiquam membranam Archivi Arelatenſis le-
 gerit; Robertum tamen forte tutius: Omnes verò nomina innovaſſe, tex-
 tuque corrupto incognitos feciſſe Præſules, probè antèa notos. Ideo No-
 nomenclaturam & Hiltoriam Primatum Arelatenſium, typis ſe commiſſiſſe,
 utque rerum geſtarum narrationi majorem circumponeret auctoritatem,
 ipſiſſima Diplomata Pontificia, Regiaque in lucem protrahere voluiſſe. Ve-
 rum enim verò Canonicum iſtum Arelatenſem hæc atque talia obtentui ſo-
 lum ſumpſiſſe, ex lectione totius operis facile apparebit. Nam Jura Eccle-
 ſiæ Arelatenſis & primatum ejus, inprimis adverſus Scaligerum, qui illum
 in lectionibus ſuis Aſonianiſ impugnaſſe aggreſſus fuerat, quam acerrimè
 defendit: Quod cum facit, multa egregia Diplomata Regum Arelatenſium,
 ac Imperatorum Romano-Germanicorum ex Archivi Arelatenſis penetrabi-
 bus eruit, paſſim provocando ad Archivum Eccleſiæ & Urbis Arelatenſis,
 Theſaurum Montis Majoris & Archivium Virginum Cæſarii Arelatenſis &c.
 Proinde operæ pretium facturus mihi videor, ſi Diplomata, quibus jus Im-
 perii in Regnum Arelatenſe luce meridiana clariuſ ostendi poteſt, ex libro
 tam raro in publicam curioſi orbis ſcenam producere, Archivo Imperii ma-
 ximè inſervitura. Urſerit forſan quiſpiam, prætenſiones eſſe qualiſ fomites
 belli, ac facile fieri poſſe, ut inde novum in Europa incendium excitaretur.
 Verùm minimè videtur verendum ſummos Principes, ob librum privata
 tantum auctoritate & exercendi ingenii ac induſtriæ cauſa conſcriptum, ad
 arma ſtatim prolapſuros: Nec præſens Germaniæ facies permiſſit, ut Ro-
 mani fines Imperii longiſſimè proferat; quippe quod magnitudinem ſuam
 juſtitia tuetur, ſine cupiditate, nec ullum bellum, ob tot pennas Aquilæ in-
 juſtè ſubtractas, facile decernit, niſi denuò laceſſatur. Scripſerat A. 1654.
 paulò poſt pacem Monafterienſem librum ſuum de Finibus Imperii Her-
 mannus Conringius, in quo jura Germaniæ doctiſſimè tutatus eſt; nec ta-
 men idèò publicum ſtatim bellum ortum eſſe legimus. Sic Seldenus in libro
 ſuo, juſſu licet Regiſ Angliæ compoſito, quem Mare Clauſum inſcripſerat,
 multa docuit S. R. Imperii Regum Daniæ & Galliæ, Belgiæ fœderati, alio-
 rum-

rumque vicinorum rationibus planè aduersa; nemo tamen eorum ad istiusmodi extrema descendit. Christianus IV. Rex Daniæ conquestus quidem est de hoc scripto in literis ad Regem Angliæ datis, quod Seldenus justo latius jura Angliæ Maritimæ extendisset, ac Maris Septentrionalis Regno Norvegiæ competentis limites turbasset. Sed præter querelas nihil hostile à Danis tentatum reperio. Et quid opus huic rei in clarissima luce positæ diutius immorari, cum ipsi Reges ac Principes tot libris fecialibus, vulgò Manifestis, hoc seculo (vetera non scrutamur) editis satis declaraverint, quam necessaria sit in Statu Civili Præntensionum Doctrina. De quarum præstantia, jucunditate ac necessitate, si pro dignitate agere vellem, non exigui res voluminis foret. M. Z. Boxhornius, Vir, si quis alius, eruditissimus, mirificè commendat hocce studiorum genus Orat. in obitum Myllii habita, cujus verba notatu dignissima hic subjungi merentur. *Quid omnis, ait, illa Juris Romani scientia, nisi alia etiam præmittatur, aut accedat. Quid jus illud privatarum, nisi ad illud publici quoque Majestatem conferamus? Quid Titii & Sempronii Controversias de fundo, de adeunda hereditate, de finibus aliisque ejusmodi minoribus rebus ex aquo dirimere; & interim quomodo finienda gentium lites, aut Imperii decora conservanda ac Majestatis, denique, quomodo tenenda omnis Respublica sit, ignorare? Quid tandem, quæso, fuerit Urbanorum & rusticorum prædiorum, de quibus juris vestri loquuntur auctores, ad amissum didicisse servitutis, si ad curam Imperii aliquando vocati impares rebus nec animo complexi fueris, illa tam inutilia, quam necessaria præcepta, quibus inter tot dissidentes Europæi Orbis, inque tanta potentissimorum Principum aliorum rebus insidiantium ambitione & accepta à majoribus libertas integra conservari, & imminens aut imposta jam servitus depelli possit & averi? Quid denique scientia ac usu illustri existimatis in causa stulicidii tueri desideria hominis privati, an verò repetitæ arriqnorum sive monitis sive exemplis in tot jam bellorum, præsertim civilium causas recto judicio posse inspicere, usque excussis, ac sublati sistere magnitudine optimi consilii profusivum sanguinis humani? Ceterùm materia Præntensionum etsi utilitatem in vita Civili afferat insignem; mirari tamen subit, neminem hætenus extitisse, qui earum Syntagma justo Volumine includendum sibi fumeret. Jus publicum quidem Imperii Romano Germanici speciale s. internum à Limnæo & aliis tractatum est satis copiosè. Verùm Jus Publicum Universale, quo Controversiæ Imperatoris & Imperii Regum ac Principum Europæ expenduntur penitus serè in Academiis, ob summam difficultatem, neglectum hætenus jacuisse, non immeritò dolet Orbis Literatus. Nam Scriptores, qui Præntensiones generatim complecti voluerunt, sunt admodum pauci, parumque accurati. Id quod inter desiderata rei Literariæ cum Bosio & Wagenleilio, Viris longè clarissimis, referendum esse censeo. Id circò ante novem circiter annos cum apud illustrissimum D. Comitem de Wedel Ephori mænna obire, argumentum istud adeò dignum mi-*

hi visum est, ubi tenues ingenii mei vires periclitarer, industriamque ponerem haud vulgarem. Equidem scripsit Sprengerus, Consiliarius quondam Palatinus, de Præensionibus illustribus. Verùm sex plagulis, quibus minutulus liber ejus constat, tam vastum hujus scientiæ fundum exhaustisse non videtur. Præterea tractat Controversias publicas ex jure Civili Romanorum, cum illas potius ad juris naturæ & Gentium ductum librare debuisset. Nam si quis hodie damna à vicino Rege illata actione Legis Aquiliæ refarciri meditaretur, æquè irrisui aulicis foret, atque magni ille nominis Jure-consultus, jura sui Principis vanissimo hocce nisu tuiturus. Præposteram istiusmodi de Juribus Regum ac Principum commentandi ac cognoscendi rationem non modicè perstringit Cæsarius Fürstenerius in libro suo, qui de suprematu Principum Germaniæ inscribitur, Cap. IX. p. m. 37. & quidem his verbis: *In explicando suprematu dissilem me provinciam suscepisse fateor, & quod quis miretur, in re tam vulgata propè instillam: Cujus rei ratio est, quod illi qui ad scribendum plerumque animum appellunt, miserabili ingeniorum morbo, nonnisi vetera crepant, quorum nostris temporibus vix apparent vestigia, recentium incuriosi: de quibusdam juris peritis vulgaribus hoc non miror; illis enim omnis sapientia in uno Romani juris Corpore conclusa videtur; experientia autem rerum humanarum, si quam habent, forensis auditorii cancellos non egreditur: Unde nonnunquam de publico & Gentium jure misera sunt eorum judicia. Hos ergò Cæsarem pro Domino Mundi; Principes nostros pro Præsidibus Provinciarum, licet perpetuis & hereditariis, habere mirum non est: neque ab his aliquid magnopere expectes, illustrando publico jure, quod nunc viget. Sed illud semper miratus sum, illustres dignitate & rebus gestis & eruditione viros, cum ad scribendum accedere, maluisse eruditionis sua documenta dare, quam experientia atque judicii. Nam quæ paululum à Romanis Græcisque formulis abeunt, ea vix nominare audent; videas documenta & præcepta tradi non alia quam quæ alicujus Poeta aut Oratoris auctoritate firmari possint, & exempla adhiberi ex sola veterè historia acquisita, quæ res facit, ut libri ejusmodi à viris pragmaticis (quicunque nondum juvenes hoc velut gustu antiquitatis imbuti sunt) velut inutiles, aut certè steriles spernantur. Alias reperire est Auctores quosdam, qui de tam nobili argumento lingua Gallica commentati sunt. Verùm nec hi animo curioso veritatisque amanti satisfaciunt, quippe qui se mutuo exscribere solent, & pudendis ac spongia dignis scatent erroribus historicis. Quod attinet ad scriptores, qui per partes argumentum hoc tractarunt, certè eorum penuria non usque adeò laboramus, quamvis multum reliquerint alienæ accuratoriore investigationi. Inter Gallicorum jurium propugnatores antesignanus habetur Petrus Puteanus, Regis Galliæ Consiliarius ac Bibliothecarius, insignis probitatis, raræ Doctrinæ, excellentisque ingenii Vir. Is omnia Regni scriinia excutere & evolvere funditus à Rege suo jussus, tandem conscripsit magnum volumen, cui titulus: *Le Traité des Droits du Roy**

1765-

*tres-chretien sur plusieurs Etats & Seigneuries possedeés, par divers Princes voi-
sins. 1655. f. à Paris.* Operæ pretium erit argumentum totius Operis summa-
tim hoc loco recensere. Primo agit Autor de Prætensione Regis Galliæ in Si-
ciliam & Regnum Neapolitanum. pag. 1. II. De Prætensione Regis Hispaniæ in
Siciliam pag. 4. III. De Prætensione peculiari Regis Galliæ in Regnum Nea-
politanum p. 5. IV. De Refutatione argumentorum Hispanicorum p. 10. &
14. V. De Prætensione Regis Galliæ in Rempublicam Genuensem p. 17. VI.
Exhibet examen Prætensionis Imperatoris in Rempublicam Genuensem p.
24. VII. Agit de Controversiis inter Regem Galliæ & Ducem Sabaudiaë nar-
tis p. 29. VIII. De Juribus Regis Galliæ in Pacificatione Cameracensi, Tu-
rinensi, Verviniensi, & Lugdunensi reservatis pag. 31. IX. De Prætensione
Regis Galliæ in Baronatum Fossiniacensem & alias arces Genevenses, quæ
sunt feuda Delphinatus p. 32. X. De Prætensione Regis Galliæ in Comitatu
Niceum & Villam Francam &c. p. 34. XI. Sequuntur Excerpta Memoria-
rum Tilleti s. Tili ad Henricum II. ad evincendam Regis Galliæ Prætensio-
nem in Provinciam, Niceam, Sabaudiam, Pedemontium, Bressiam &c. p.
66. XII. De Prætensione Regis Galliæ in Comitatu Lucensem agit aucto-
r p. 69. XIII. De Prætensione Regis Galliæ in Ducatum Mediolanensem & Co-
mitatum Astensem p. 77. & seq. XIV. De Prætensione Regis Galliæ in Re-
gnum Arragoniæ p. 95. XV. De Prætensione Regis Galliæ in Regnum Casti-
liæ p. 107. XVI. De Prætensione Regis Galliæ in Regnum Navarræ. p. 111.
XVII. Proponitur Responsio ad primum argumentum Hispanorum, quod
excommunicatione Pontificis nititur p. 117. XVIII. Responsio ad secundum
argumentum Blancaë cessione nixum. p. 119. XIX. Responsio ad ultimum
argumentum, quod ex pacto inter Reges Arragoniæ inito arcessunt p. 123.
XX. Refutatio Prætensionis Regis Angliæ in Galliam p. 125. XXI. De Præ-
tensione Regis Galliæ in Angliam p. 145. XXII. Agit de particulari Regis
Angliæ Prætensione in Galliam. p. 140. De Prætensione Regis Galliæ in Co-
mitatum Flandriæ p. 149. XXIII. Enarrantur objectiones Hispanorum con-
tra Gallos Dominium directum Flandriæ sibi vindicantes. XXIV. Argumen-
ta Gallorum ad demonstrandam Pacificat. Madritens. Cameracens. & Crespi-
acens. injulitiam XXV. De Prætensione Regis Galliæ in Comitatum Artesiæ
agitur. p. 175. in Insulas Flandricas, Duacum & Orchias p. 183. in Torna-
cum, Santamandum & Mortoniam p. 189. in Comitatus Bononiens. & S.
Pauli p. 193. XXVI. Examen Articulorum Pacificat. Madritensis, Camerac-
ensis & Crespiacensis Comitatum Bononiens. & S. Pauli concernentium ex-
hibetur p. 207. XXVIII. Agit Auctor de Prætensione Regis Galliæ in Re-
gnum Burgundiæ, cujus appendices fuerunt Lugdunum, Delphinatus, Pro-
vincia, Bressia &c. p. 211. XXIX. De Amplitudine Regni Burgundiæ & quo-
modo Imperator illud sui juris fecerit. ib. De prætensione Regis Galliæ in Re-
gnum Burgundiæ p. 212. & seq. XXX. Disquirat, An sit præscriptioni locus

inter summæ potestatis Principes p. 218. XXXI. De Prætensione Regis Galliæ in Provinciam agere pergit Auct. p. 225. & seq. XXXII. De Prætensione Imperatoris Caroli Vti in Provinciam p. 235. XXXIII. De Prætensione Regis Galliæ in Avenionem, Comitatum Venusinum & Principatum Auriacensem p. 251. XXXIV. De Prætensione Regis Galliæ in Britanniam Gallicam. p. 271. XXXV. Exhibetur Examen & refutatio Prætensionis contra Regem Galliæ ob Isabellam Principem Hispaniæ à Duce Lotharingiæ motæ. Ut & Responso ad Prætensionem Ducis Lotharingiæ in Ducatum Andegavensera p. 285. XXXVI. Disserit Auctor de Ducatu Burgundiæ p. 287. atque in medium profert Argumenta Hispanorum, quibus eundem Ducatum sibi vindicare sustinent, subnexa Responso ad argumenta Hispanorum p. 292. XXXVII. De Comitatu Antissiodorensi Galliæ unito agit Auctor. p. 305. XXXVIII. De Prætensione Regis Hispaniæ in eundem Comitatum p. 306. XXXIX. De Comitatu Matifconensi p. 310. De Dominio Barro Sequanensi p. 311. XL. De Comitatu Auxoniensi XLI. De Comitatu Guisæ p. 317. XLII. De Moliminibus Ducis Lotharingiæ in Domania Regis Galliæ ac feudum Barrense disserit p. 332. XLIII. De Ducatu Burgundiæ ad Regem Galliæ pertinente. XLIV. Exhibentur Memoriæ continentes Regaliæ ac Prætensiones Regis Galliæ in Ducatum Barrensem. XLV. Argumenta, quibus Ministri Regis Galliæ elidere possint Imperatoris Prætensionis in Metim, Tullum ac Virodunum p. 343. XLVI. Quod Pignerolum non pertinet ad Imperium, probare nititur. p. 346. Denique agit Auctor Nobilissimus de Prætensione Regis Galliæ in Metim, Tullum & Virodunum contra Ducem Lotharingiæ. Hoc opus magna diligentia à Petro Puteano compositum etsi laude sua non defraudandum videtur, præsertim cum multa contineat, quæ Germania in usum suum convertere possit: plurima tamen narrat falsò priora Auctor, cetera Doctissimus, Imperii juris nocitura, nisi solide confutaretur. Temperare mihi nequeo, quin unicum lapsum tanti Viri hic detegam, de ceteris suo loco uberius dicturus. Etenim p. 25. ubi disquirat de Prætensione Imperatoris in Genuam, commemorat, quomodo A. 1575. libris, inter Nobiles ac Cives Genuenses super ratione Legum reformandarum exortis, Rex Hispaniæ ac Pontifex unà cum Cæsare sese immiscuerint, easdemque composuerint. Indè infert, Imperatorem, si summum Imperium Civile in Rempublicam Genuensem habuisset, nunquam in Consortium arbitrii honorarii Pontificem ac Regem Hispaniæ assumpturum fuisse; & ideò ab eo tempore nihil amplius Romano Imperio in Genuam juris superesse opinatur. Verum vehementer errat. Namque Thuanus, Vir magni per Universam Europam nominis, longè aliter rem istam exposuit Lib. LXI. p. 119. Editi Aurelian: *Nobiles*, inquit, *se ad res propriis auspiciis gerendas comparabant, cum venère a Cæsare Oratores his de rebus ex fama certiore factò, non etiam à Republica per oratores suos, ut par erat, edoctò, Petrus Fannus Co-*

Stocla-

Roelarus, Episcopus Aquensis & Vitus Dorinbergus ipsius apud Venetos Orator,
quibus Senatus mox datus est. Li gravi oratione habita se à Casare missos ajunt,
cum is fando de eorum motibus accepisset, ad eosque componendos Pontificis &
Philippi Oratores intervenisse, & eiu rei omnis arbitrium in ipsum tanquam su-
premum inter Christianos Principes Magistratum conferri petunt. Id suo juri Ce-
sarem à Senatu petere, quippe cum Republica Genuensis IMPERIO SUBSIT,
eamque ob causam se delegasse, qui de Causa cognoscant & aequojure dissentium
controversias decident. Ad hac Princeps Senatus, quod cum Pontificis & Philip-
pi Legatis egerint, se excusare. Id enim factum, quod illi venissent, nec ullus
Cesaris nomine interesset. Ceterum scire, quia Imperio, quid Serenissime Au-
striaca familia debeant, neque commissuram unquam Rempublicam, ut CÆSAR
hac in re officium suum merito desiderare possit. Interim gratias agere, quod se
solicium de rebus suis ostendat. Hec ita PALAM acta, Deinde dimissis Le-
gatis murmur repente exorsum, quod non illi tanquam oratores, sed tanquam
judices à Casare delegati venissent, qui de Republica tanquam Imperii beneficia-
ria & Cesaris Clientela subjecta starent. ib. A. 1575. Inducia in quindecim
dies pacta sub finem Septembris exitura. Ha dein, Scti Decreto confirmata, in
quo cum Philippi tanquam precipui Reip. defensoris mentio facta esset, initio Le-
gati Cesaris subscribere recusabant. Verum id interpretatione mollitum, ita
UT NULLUM EA RE IMPERIO PRÆJUDICIUM FACTUM INTELLI-
GERETUR. Vid. Thuanus c. l. p. 125. Proin miror, Petrum Puteanum
 locum istum Thuani, quo viro alioquin familiariter usus est, non legisse, at-
 que adeò à vero abluisse. Etenim ex superioribus satis liquet, quod Impe-
 ratoris Legati non tanquam arbitri simpliciter sic dicti, sed & tanquam ju-
 dices simul comparuerint, de Controversiis Reipublicæ Genuensis, veluti
 IMPERII beneficiaræ & Cæsaris clientelæ subjectæ, constituturi. Nec Se-
 natus Genuensis contradixit, sed potiùs JUS IMPERII palam agnovit. No-
 tabilis sanè fuit illa clausula primo pacto A. 1396. inter Regem Galliæ &
 Rempublicam Genuensem inuito inserta, quæ, Petro Puteano quidem ipso
 comprobatore ac teste, ita habet: SALVIS JURIBUS ET HONORIBUS,
 QUÆ ET QUOS HABET ROMANUM IMPERIUM IN URBEM GE-
 NUENSEM. Quin si vel maximè Legati Cæsarei supremi juris, quod
 Imperatoribus Germ. in Genuam competit, statim in limine istius arbitrii
 planè non meminissent; nihilominus Imperii Romani Jura fixa immotaque
 mansissent, quandoquidem Imperatores illa sine Consensu statuum Imperii
 alienare prohibentur. Ante P. Puteanum scripserat de Prætensionibus Regis
 Galliæ Jacobus Callanus, de quo supra mentionem fecimus. Verum hunc
 non solum Zipæus, Belgæ, sed etiam Gottlieb von Hagen, Consiliarius &
 Legatus Christiani IV. Daniæ Regis refutarunt. David Blondellus ipse, na-
 tione Gallus, non dubitavit Callanum castigare in Opere suo Genealogico,
 qui quanquam non nisi Genealogica inibi tractasse visus est; sapius tamen se

quoque demittit ad Prætenſiones Regis Galliæ, cujus juffu, ſuadente maxime Seguierio, Regni Cancellario, calamum in Chiſſetium ſtrinxiſſe dicitur. Ceteroqui Blondellus Vir fuit immenſæ lectionis ſolidæque doctrinæ, niſi quod affectibus ſe nimium abripi paſſus eſt. Hinc jura Imperii inanibus ratiunculis & mordaci ſcriptionis genere paſſim impugnat, uti id ad oculum demonſtravi in Prodroſo meo, & in poſterum ſulius in progreſſu meditati Operis oſtendetur. Auſtor Bibliothecæ Gallo Suedicæ, quæ ſervente Paris Weſtphalicæ negotio, prodiit in lucem, ſpem fecerat, futurum, ut Volumen X. complecteretur *vetera Regum Gallia aut clientum jura non jura in Regna quædam Italia, Belgii Principatus, nec non in ipſam Senenſem diſtinctionem jam dudum ſepulta, aut pactis publicis obliterata, veruta ex S. S. antiquitatis, ut vocat, tabulis, ſitu ac vetuſtate corruptis, productis ex latebris Scrinii Regii & Sabaudia, Mantuana, Luxemburgenſis, Tremollia aliarumque familiarum Chartophylaciis.* Caput illud lepidiſſimum maria & montes quidem pollicetur, ſed nihil poſtea præſtitit, dictaque ejus ludicra nudant tantum conſilia cupiditatesque Gallorum. Id quod confirmant verba, quibus concludit libellum: *Viſa Irenica vel potius Ironica; i. e. media pacis generalis concilianda ex actis rerum à Gallis Suedisque in pacis Colloquio geſtarum collecta.* Prætenſiones Hiſpanicas doctè & maſculè tutatus eſt Joannes Jacobus Chiſſetius. Antonium Dominicum & Tenneurium habuit adverſarios; ſed iis aquam hæſiſſe, ſatis conſtat. Blondellus autem, fateor, plurimum ei faſceſſit negotii, cujus ſcriptis Apologeticis reſpondiſſet, niſi fata optimoſtanti viri conatus interruiſſent. Johannes Alphonſus Calderonus compoſuit librum de juribus Hiſpaniæ, cui titulum fecit: *El Imperio de la Monarquia d'España.* Quod opus repertu apprimè rarum nunquam vidi. Alphonſus Vaſquez de Miranda conſcripſit quoque opus mandato Philippi Regis Hiſpaniæ, *de juribus ad omnia, qua ſubdita eſſent ei Regna cum eorundem Regnorum Hiſtoria,* cujus partem jam quidem inchoaverat, teſte Nicolao Antonio in Bibliotheca Hiſpanica, ſed fata conatum hunc anteverterunt. Johannes Dauffayus, vulgò D'Auffay Maximiliano & Philippo Auſtriaco à Conſiliis & libellis, commentatus eſt *de vera ſucceſſione Maria Burgundica Caroli Audacis filia & ex aſſe hæredis ad Burgundia Ducatum, itemque Inſulenſe, Duacenſe & Orchiacenſe Dominia.* Quod opus Manuſcriptum adhuc deliteſcere in Bibliotheca Publica Eccleſiæ Cathedralis Tornacenſis & alibi tradit Andreas Valerius. Contra Baronium Cardinalem, qui jura Pontificis in Siciliam adverſus Regem Hiſpaniæ defendit, ſcripſit Johannes Beltren de Guevarra edito Pincæ libro in f. cui Titulus: *Diſcurſos del Principio, origeny uſo de la Monarquia de Sicilia &c.* Venetæ Reipubl. libertatem ac jura ſcriptorum quidam Anonymus impugnavit adortus eſt peculiari libro, cui titulus: *Squitinio della Libertà veneta, in Mirandola: 1612. 4.* Sunt qui Peireſcium Senatorem Aſqui ſextienſem ſub hac larva latitare contendunt. Sed Gaſſendus in vita ejus contrarium defendere ſatagit.

Non-

Nonnulli Mareo Velfero, fingulari Germaniæ Decori, operam hanc adscribere non verentur. Alii Ant. Albizium Auctorem faciunt, qui Stemmata Principum Christianorum edidit. Gualdus & Pignorius in scenam quoque producuntur. Utcunque se res habeat, hoc certum est, Autorem Scrutinii libertatem Venetorum, quam nimio opere jactant, tam ingeniosis machinis ex vetustissimis Historiarum libris depromptis convulsiſſe, ut ſcriptionis laudem vel ipſe Cueva, Legatus Regis Hispaniæ, & alii ſummi viri tribuere ſibi haud dubitarint. Hinc Amelotus de la Houſſaye in verſione ſua Gallica magnum etiam libello iſti ſuſpenderit elogium, dicens : *Le Squirinio della Libertà Veneta eſt un de plus fameux Ouvrage de ce ſiecle. Tous les Princes de l'Europe & tous leurs Miniſtres l'ont lu avec plaifir, & luy ont donné place dans leurs Cabinets.* Quam ob rem Senatus Venetus, cognito, opuſculum hoc in tanto pretio eſſe penes viros doctos pariter atque in excelſo dignitatis gradu conſtitutos in id omni animi impetu incubuit, uti ſolidè refutaretur. Sed Paulus Sarpus licet identidem à Rep. invitatus ad reſcribendum; tamen nunquam ad hanc provinciam ſuſcipiendam ſeriò adduci potuit. Nam cum in Archivo Venetiarum nihil ſingularis reperiret, quod opponeret ſcripto tam docto, tam ſolidam Juris Imperatoriî notiã redolenti, Senatus ſignificandũ duxit, ſe veritatem ipſam infirmare non poſſe. Quin Duci Venetiarum aliquando Apologiam libertatis Venetæ acrius urgenti, reſpondiſſe fertur: Camerinam moveri haud oportere. At enim quia Pontificis opera & impulſu ſcrutinium illud Libertatis Venetæ maximè compoſitum credebatur, recepit, ſe literis mandaturum, quæ æquè malè Pontificis animum pungent. Quod & accuratè præſtitit, conſcripta Historia Concilii Tridentini, quo æterno opere ſecretas artes Aulæ Romanæ candore prorsus incredibili detexiſſe viſus eſt. De Theodori Graſwinckelii, Raphaelis Torrii & Laurentii Pignorii pro cauſa Venetorum moliminibus quid ſentiendum ſit, ſuo loco dicitur. Nam de hiſce atque talibus Prætenſionum ſcriptoribus ſuſius agam in Morhoſio illuſtrato, ſive in meo ad Polyhiſtorem ejuſdem Commentario, quod vir ille, (cujus erudito hoſpitiũ literarumque commercio me olim uſum eſſe in præcipua meæ felicitatis parte deſcribo) tam in Commentario ſuo de Notitiã auctorum ante annos aliquot edito, quàm in privatis Prælectionibus MSS. hancce Hiſtoriæ literariæ partem, homini politico maximè neceſſariam, aut plane omiſiſſe, aut breviter tantum attingiſſe videtur. Prætenſionum Imperii Rom. Germanici ſtrenuum aſſertorem laudare poſſumus Conringium, cujus egregius de Finibus Imperii liber auro contrã carus non eſt. Equidem Hadrianus Valeſius de tanti viri conatu parùm honorificè ſenſit in Epiſtola ad Johannem Albertum Portnerum, S. Cæſaræ Mtis Conſiliarium, quam ex volumine epiſtolarum inedito ad Forſtnerum, Sereniſſ. Ducis Württembergici Cancellarium, quondam datarum deſcriptam poſſideo. Verùm quia in ea plus obſtinationis ac livoris, quam veritatis eſt, huc apponi pariter & reſel-

li captum breviterque meretur ad vindicandam, (si modò is ego sum, ut à me tantum expectari possit) famam Conringii, cujus magna in Germaniam & reconditiores literas extant merita. Epistola Valefii ita habet :

Clarissime & Amplissime Vir!

Legi Conringii librum de Finibus Imperii Germanici, in quo Philippi quidem & Johannis Valefiorum Franciæ Regum aliqua fit mentio : mei, quod tu tamen scripseras, nulla. Cujus libri titulum jure quis arguat. Nul- lum enim usquam Imperium Germanicum fuit unquam, nullum est ho- dieque : nec Imperator, etiam si in Germania sedem habet, Germanorum Imperator est, sed ut ipse more Majorum se appellat Rex Germaniæ & Romanorum Imperator : Si tamen Romanorum Imperator vocari debet, qui Urbi Romæ non imperat, & Romæ de Senatûs populique Romani sententia dudum desit consecrari. Nihilominus Conringius Imperio illi suo Germanico penè ipsum Francorum Regnum (ne de ceteris loquar) velut in formulam Provinciæ redactum, aut beneficium aliquod attribuit, quod plane est caput pedibus, Dominos rebellibus famulis subjicere ; cum Reges Francorum diu Germaniam, Noricum, Pannoniam & Regnum Longobardorum ac Ducatum Romanum, omnia denique quæ Imperatores vestri possident, ac triplo etiam plura tenuerint, & regnum illud Germanicum occasione bellorum nostrorum civilium sit translatum ad externos, qui à Caroli Magni familia desciverant. Tanta quidem nominis Francici reverentia etiam post translationem hanc mansit in Germanorum animis ac Lothariensium, ut Regnum Germaniæ diu, ac etiam sub Henricis Regnum Francorum (nimirum Orientalium) appellaretur, nec alibi quam in Francia, vulgò nunc Franconia dicta videlicet Monguntiaci aut Francofurti Reges Germaniæ consecrarentur. Non itaque decet Reges Germaniæ, (vel uti Conringio placet Imperatores) Majestatem Francicam, cui sua omnia debent, fugillare, quandoquidem Reges nostri, qui in omnia Majorum suorum jura successerunt, erepta eis regna armis repetere à Regibus Germaniæ justius possunt, quam Reges Germaniæ aliquid in Franciam Dominam quondam suam juris sibi vindicare. Multa planè legit Conringius, sed quicquid legit, etiam Tabulas, Epistolas, Pactiones transcribit, & congerit, magnaque de nihilo nascitur Historia. In primis p. 6. scribit, Francos ab antiquissimis usque temporibus, florente Imperio Romano, tenuisse partem Germaniæ, quæ Francia vel Franconia hodiè dicitur, qui si opus meum legisset, didicisset, Francorum ad Ostia Rheni & ad Oceanum sedes tum fuisset, Alemannorum autem (ut Aurelius Victor in Caracalla docet) ad Mœnum in ea Regione quæ postea circa Pipini & Caroli Magni ætatem incertam ob causam Francia vel Francia Orientalis demùm Franconia dicta est. Idem pag. 628. Regionem Burgundiæ, Comitatum Carolium apud Bodinum pro Comitatu Burgundiæ accipit errore puerili, sed ab aliquo ad-

nitus

nitus erratum istud ad calcem Libri emendavit. Quod autem *saltem* pro
saltem tantopere affectat; fallitur. Saltim enim *ἁπλοῦς* seu saltuatim sal-
tem verò *ἁπλοῦς καὶ* significare vetera Glossaria Latino-Græca docent. Sed
de his satis, quæ ne tibi rugam trahant metuo, ne de amico tuo tibi vi-
deare malè aut etiam malignè sentire. Lutetiæ Parisi. 1656.

Sanè hic virum, cetera clarissimum, de tanti Viri opere, quod in Au-
lis & Academiis, ubi solida doctrina habitat, multos magnosque invenit æ-
stimatores, malevolo animo potius, quam veritate judicasse deprehendo.
Non enim video, quo jure Valesius titulum Imperii Germanici, quem Con-
ringius incomparabili Operi suo præfixit, perstringere possit, à Blondello in
Imperium nostrum paulò iniquiori id haud dubie edoctus. Ast cum hujus
viri falsissimam sententiam Johannes Henricus Bœclerus peculiari disserta-
tione more suo i. e. doctissime gravissimeque confutavit, non operæ est pre-
tium, ut multum hac de re sollicitus sim. Duo tamen adhuc observanda reor,
Blondellum, & qui ejus vestigia premit Valesium, proprio pugione confos-
surus. Conqueritur ille Præf. Apologetica de Chiffetio, quod delatum ante
annos fermè 1100. à Mauritio Augusto Francorum Regibus Christianissimè
titulum in Vindiciis, Luminibus palam impugnare Orbisque Universi judi-
cio reclamare sustinuerit. Quare cum Blondellus Chiffetium in eo peccasse
putat, imprudens ipse suus est condemnator, dum titulum Romani Im-
perii Germaniæ nostræ debitum tam supercilioso contemptu lacerare haud
erubescit. Id quod argumentor est animi sibi non constantis, nec mediocriter
ægrorantis. Scribit etiam Blondellus ibidem, Chiffetium in pacem Germanicam
Regi Galliæ consuetos titulos tribuentem deliquisse. Cur ergò Vir
clarissimus titulum Imperii Germanici contra tot Regum, tot Principum, tot
Rerumpublicarum totius Europæ; imò contra Universi terrarum Orbis con-
sensum privato nisu vellicat, quem ipse Rex Galliæ in frontispicio ejusdem
Pacis Germanicæ Imperio tribuere non dubitavit. Quin si consulamus pa-
sta Imperii cum Regibus Galliæ à multis retrò seculis inita, & Collectioni
pactorum Lutetiæ Parisiorum A. 1693. cum privilegio Regis Galliæ divul-
gatæ inserta, in iisdem titulum Sacri Romani Imperii, quem sibi jurè me-
rito vindicat Germania, passum repeti cernimus, fremtentibus licet privatis
in Gallia hominibus. Valesius porrò Conringium culpât, quod Franciam
olim Germaniæ obnoxiam fuisse docuerit. At enim Valesium rationes de-
ficiunt; Contrà Conringius ex antiquis auctoribus, fide dignissimis, satis su-
perque L. I. C. VIII. evicit, in Caroli Crassi & Arnulphi Germaniæ Regum
obsequio ad tempus fuisse Franciam Occidentalem s. Galliam. Id quod etiam
Diplomatibus à Stephano Balusio. A. 1677. Parisi. editis abundè confirmare
licet. Conringium tabulas ipsas publicas operi suo inseruisse, consitendum
est. Sed id laudè potius ducitur, quàm culpæ ei jure dari poterit. Idem an-
te

te illum præclarissimi Viri fecere. Sic Blondellus quoque, ut alios omittam, in Opere suo Genealogico non aliquot paginas, sed multas plagulas literis ac tabulis implet. Nec consilium erat Conringio nudam Historiam componere, sed Jura Imperii tueri, quibus magnam lucem sænerari ejusmodi diplomata, imprimis si incorrupta fide subnectantur, in confesso est. Denique Hadrianus Valesius Conringium violatæ latinæ reum pronunciat, quod *falsim*, voce minùs latina, aliquoties utatur. Verùm id juribus Imperii non officit, nec dignitati Conringiani operis quicquam detrahit. Nam Doctrina solida etiam absque puritate Romanæ linguæ, quæ non virum doctum, sed elegantem tantum facit (quo paucissimis mortalium aspirare licet) merito consistere potest. Alias de unoquoque viri docti verbulo vel syllaba multum ire in consilium, otiosorum hominum superstitio sit. Nec ipsi Ciceroni, Viro Consulari & magnæ in Republica Romana auctoritatis olim sui defuere obrectares, quem tamen Latinissimo ævo, vixisse, ac Principatum Romanæ eloquentiæ tenuisse, optimi fatentur Criticorum filii. Recentioribus temporibus Caspar Scioppius tantum virum vel Barbarissimi accusare haud erubuit in libro Mediolani edito, qui nunc rarè in Bibliothecis visitur. Ante eum Erasmus Roterodamus in Ciceroniano suo solæcismos aliquot Ciceronis nigro obelisco signaverat; sed Julius Cæsar Scaliger Ciceronem tuendum suscepit in Oratione contra Erasmum, eumque solæcismorum crimine planè pleneque absolvit. Idem ille, licet in suis Exercitationibus Cardani stylum nimis acerbe castiget: tamen ingenue agnoscit, libros ejus ingentis laboris, variæ Doctrinæ, summique ingenii plenissimos esse. Multi viri Docti in Seldeni quoque libris asperum & inæquale Scriptionis quoddam genus deprehenderunt. Sed defectum istum varia solidaque Doctrina largiter compensasse, inter omnes constat. Idem esto judicium de Conringio. Qui si vel maxime Latino culinario (quod tamen non fecit) propugnasset jura Imperii; sufficiat tamen, clarissimum Virum gloriosi palmam certaminis tulisse, nemine Gallorum egregia ejus reperta refutare auso. Proin Germania eximium illum, quem protuendis Imperii juribus sumpsit laborem, grata mente agnoscit, exteri verò virtutis veritatisque amantes singularem eruditionem ejus, ac multijugam lectionem non possunt admirari satis. Ludovicus XIV. Galliarum Rex, tam splendida Conringii fama commotus, annuo mille librarum honorario eum devincendum sibi existimavit, cujus Regis, magni ingeniorum æstimatoris, testimonium pluris est, quam iniquum illud falsumque Valesii de tanto viro judicium. Ego verò fateor ingenue, assiduam libri ejus de finibus Imperii lectionem primum mihi occasionem præbuisse Præntensiones non solum Germaniæ, verum etiam aliorum Regnorum & Principatum Europæ uno vel pluribus voluminibus colligendi. O utinam Conringio rebus mortalium diutius interesse contigisset! Nullum enim est dubium, quin opus suum, in quo Præntensiones Germaniæ tam eruditè pertraxit,

stavit, ad ultimam perfectionem perduxisset. Quippe id iustus erat à Leopoldo Magno, Imperatore nostro gloriosissimo. Sed fati iniquitas obstitit, quod minus conata perficere potuerit. Initium autem mihi Operis, quod molior, (cujus Pars haud spernenda, ne corvos hiantes delusurus videar, proximis mundinis, ut spero, lucem videbit) à Prætensione Imperii Romano Germanici in Regnum Arelatense Johannes Strauchius, juris ceteroqui publici Romano Germanici doctrina eruditissimus, scripsit quidem de isto Regno peculiarem dissertationem. Sed ea, quæ ad Jura Imperii in Regum Arelatense stabilienda pertinent, desumpsit ex Conringio, nihilque præterea de suo addidit. Conradus Samuel Schurtzfeischius, Polyhistorum ætatis nostræ facile princeps, in Dissertatione de Carolo Quarto habet nonnulla Hermanno Conringio & aliis non observata. Aliquot annis post Obitum Conringii ejusdem omnium nobilissimæ atque difficillimæ tractationis curam suscipere quoque voluisse. Wagenfeilium, haud obscure liquet ex eleganti ac perorudita ejus Dissertatione de officialibus summis Sacri Romani Imperii ubi C. IV. p. 19. hæc verba leguntur: *Quomodo constitutum fuerit Regnum Arelatense; quas passum sit mutationes; qua ratione Imperio Germanico accesserit; quo itempacto inde rursus fuerit avulsam; denique num super sit Imperatori jus aliquod in illas Provincias, difficiles, obscura, & intricatissima quæstiones sunt, quæ aliud tempus, alium locum deposcunt. Excusiemus eas, cum & face & viatico satis crimus instruiti.* Cum verò vir doctissimus nihil postea de hoc argumento publicè juris fecerit, aliis forsitan studiis severioribus impeditus, ac Scriptor Pontificii Arelatensis ab ipso & Conringio tantoperè desideratus, quem Parlamentum Regis, suadente Peirefcio Senatore Aquisextiensis, ob Diplomata varia maximo Imperii Romano Germanico bono ex Archivis Arelatensibus in lucem protracta, maturè in Gallia suppressi curavit, in manus meas inciderit, aliaque se mihi obtulerint illustria rerum Documenta, consilium mihi jura Imperii in Regnum Arelatense propugnare, & quidem longè fufius atque Conringius, alii que fecerunt, quibus & loco suo debitum laudis testimonium, quoties per eos profecerim, appositis eorundem nominibus, cumulatè persolvam. Et enim si vel maxime Hermannus Conringius in præclaro suo de Finibus Imperii Opere Regni Arelatensis originem, progressum & jura Imperii Germanorum primus doctè executus esse videatur: multa tamen curiosa & seitu admodum necessaria, ut ipse non dissimulat, latuisse eum certum est. Hinc sub finem ferè Cap. XXIV. Lib. II. fluctuat, num non ea, quæ Gallie Reges hodiè in Burgundico Regno possident, longi temporis præscriptione Imperium perdidit. Contrà mihi propositum est, diplomatibus rarissimis, Conringio & aliis juris Publici Romano Germanici scriptoribus non visis, ac rationibus ex jure naturali & Gentium profluentibus demonstrare, summum jus in partes Regni Arelatensis, turbidis maxime temporibus à Corpore Germaniæ paulatim avulsas, ad Imperatoris nostri Leopoldi Magni ætatem usque Sacro Romano Imperio salvum

filibatumque mansisse. Ad partes autem Regni Arelatenſis dilaceratas, vel ipſo Petro Puteano Regis Galliæ Archivario haud diſſente, referuntur Comitatus Burgundiæ, Principatus Dombesii, Dominium Breſſiæ, Regio Lugdunenſis, Delphinatus, Comitatus Avenionenſis & Venayſinus, Provincia Romanorum, in qua Urbs Arelates ſita, quæ Regno iſti nomen indidit, & plures aliæ Regionæ, quæ ab exteris poſſidentur debili admodum jure, adeo ut Regnum Arelatenſe, ſi initium ejus capias à Vogelo monte, (Vauge) vel ab Urbe circiter Baſilea, ducta per memoratas Provincias linea, in Mare Mediterraneum uſque porrectum ad hanc diem ad IMPERATOREM IMPERIUMQUE pertineat. Ad hæc in Prodomo meo, in ſpecimen futuri majoris operis primum edendo, Prætenſionem quoque Regis Galliæ in Ducatum Mediolanenſem poſt deceſſum Regis Hiſpaniæ (quem DEUS TER. OPT. MAXIMUS diu incoluſum ſeruet!) haud dubiè in perniciem Imperii erupturam, à Conringio in opere de Finibus Imperii præteritam, ad juſtitiaæ libellam revocare decrevi, ceteras Imperii Prætenſiones, in primis in ſeuda Italiæ, aliorumque Regum, Principum ac Rerumpublicarum jura Publica, quorum apparatus haud ſpernendum habeo in manibus, magno labore magnisque vigiliis collectum, per partes deinceps, opitulante Deo, publicaturus. Fateor me tantum oneris ſuſcepſiſſe, uti ſolus ei ferendo non ſim. Sed experiendo diſcimus, quàm tenuia ſint omnium rerum, quas natura quotidie producit, initia, quæ difficiles ortus & tarda habent incrementa, uſque dum minutarum partium augmento paulatim coaleſcant. Haud ſecus jus Publicum Univerſale, quod ſuo ambitu Prætenſiones Principum ac Rerumpublicarum complectitur, ab humili tenuique proſectum initio ad ſummum perfectionis culmen (ſi in tanta rerum humanarum caligine aliquid perſci poſſe, dici poteſt) ſociatis plurimorum laboribus, ſenſim, opinor, aſſurget. Equidem haud ignarus ſum, alios molimina mea invido triſtique ſupercilio intuituros; alios tam curioſam ac magnificam operis à me promiſſi inſcriptionem longiſſimi ævi curam ſibi depoſcentis admiraturos. Attamen ſicuti vana animarum invidiarum murmura facile contemnit generoſior animus; ita temeraria aſperæque imperitorum hominum judicia nihil moror, vera laude, quæ ab iis proſciſcitur, qui ipſi laudari merentur, contentus. Alioquin è meliori luto efficitis mentibus, uſuque rerum Civilium lævigatis, laborem hunc etiam atque etiam probatum iri conſido. Quem ſi non licebit ob vaſtatem argumenti abſolvere penitus, optima tamen voluntatis conſcientia (in magnis enim voluiſſe ſat eſt) facile me conſolabor.

